

**Anyoun Nakiuniet**  
Jeffersonville, Indiana, U.S.A.  
63-0630M

1 Epedoros akiro kere, bon aiyuunit

Ketuluroto akwes wok kwana kanuka akirot naka ailip. Kojaas akwes wok elurete, mam eong ajeni araibo ejaas nuilipitai nu itegelikina nuekotoi kojenuunai kakonye nuka Edeke. Kikia bon jo akan ido, kokwap naka akanikon, kiting jo alipan kon.

2 Papa lokoKuju, kiyalama isio kanuka na, apak ace bobo atukokinor nepepe, kowai kalo loka Ikar Kere. Ido kijai isio kimuno atupuruc na adumun aisiteteunio naka agogong naebuni kamaKon, kanu aijaikin isio atiting kanuka alosit naejai eperi koingaren. Kitukokina isio kwape apotu idwe luka Iburanian kiswamatar kanginitupuruc adilonokin sek, airar amanu nikijaikinitai kanukec kuare, kanu aisimon kesi kotoma apaaran naebunit. Kitukokina isio kanuka Amanu nakomoyo, atupuruc na, kanu ainakin isio agogong kanuka erot.

3 Kokwap naka nginidiopet kotoma akanin ngun nuekiaritai, ijani Jo kere nuipudasi kesi, Ejakait. Ido elipi eong akailip nepepe kanakec, koingareniKon, ebe ibuni Jo aijaikin ngolipud kere loejaatar kesi. Kitangaleu luedekasi ka luiticanitai, Ejakait. Kijeni isio ebe irai Jo Edeke, ido ipedori aswam akiro kere, ido isumunit da aswam ngun arai bon cut kipedo isio aswam kwape edaunitor ekosio ngol aicorakin isio, Bon Aiyuunit, ido kwape kipou kapupunioto akiro ngun nukaibuses, Kolosi Ido Kinerasi Ka Ekabaka.

Kwana do, Papa Edeke, kisirereng AkirotoKon kwape elomaria Ngin atupuruc na, ido kilipi ebe kodum Ngin aibois nakaiyengun kotoma otuonokosi, tetere ebe kitolom Ngin iboro luilipit isio, Papa. Kokiror loka Ejakait Yesu kilipit isio ngun. Amen.

Ipedorete yesi aiboikin. Eyalama, iinac.

Eyuunit eong ebe aponi kotemarai atiar, "Abu eong keyalamikin nakalimokinere eong ebe, 'Bia kaloto togo loka Ejakait.'"

4 Kinyouni ko Hot Springs, bian, auta Onac Moore atemar ebe, "Onac Branham," kotema, "ijo, mam kereka jo itekeri emotoka abear kwap, Texas, nepepe ka eong kotoma atukonokin kokwap kangina," kobala, "aiyengun adaun apaarasia adis?"

Katema eong, "Kijaar eong ka aijaanakineta aarei moi."

Kotema ngesi, "Aijaanakineta aarei?"

Katema eong atiar, "Eebo."

Kobala, "Kagogong kwape ilimonokinia jo kane," kobala, "Kiyanga jo ekecokon, ijaikini aisiirareteke naka Nasabiti tupuruc, ka ace da kwangin," kobala, "kosodi konyet ngesi aiyengun nece kere neideuna kosabiti. Ido, kanen da, ido erai ngin naebuni araut adakikan akaisauni, arai icebore." Ido kobala, "Ibu jo kolimonok adaun isawan iarei arai iuni kane, kapak adiopet," kobala, kosodi konyet, apaaran akaulo kapaaran, ido kacepakio irwan aarei apaaran, kosodi konyet aibwaikin ekokoro loka ailip, amisiikin ngin kere." Kobala, "Kwana ibala jo ebe ilosi jo ore, ijaatar ka aijaanakineta aarei Nasabiti?"

Katema eong atiar, "Eebo, ipa."

Kobala, "Koipone kali iswama jo ngun?"

Katema eong, "Aingarakinio kang ebuni kama ejai Ejakait."

Aeka esawa, kwape idiopet...abu icetunganan kolimunitor kokau sek mot, kotoma ailip, nape cut ajai eong alomun toma. Aeka esawa, kwabo epol eipud, ido kijai oni ne aitam aibwaikin ewai wok toma, kanu aingarakin esawa lo loepol lokijai oni toma.

5 Kwana, arai ekoto Ejakait, nat kuare, akoto eong einer nuka akirot, "Erai tope aijarakon na ibusakina mama ejaas Akiro Nukajokak?" Erai ngin, akoto eong kikamunai ngin kotoma ateepeu.

Kosodi kwana, mam eong ajeni arai elosete kesi aikam na atupuruc na, arai mam. Aseseni eong ice ejaasi laiye toma agola ngin. Ejai-ejaasi ikesa ngul ice toma ngina; aomit eong ebe ejaasi kesi aikam. Abu eong...Abu eong kaomite ebe abuni Onac Neville aswam nu. Abu eong kengit, Nasabiti naatubor, kanu bon ti ngesi ajaun ka na...aiyatakin alosit kede aisiirareteke; kosodi konyet alosit akonye, acamakin eong aijesakin cut toma nepepe kibore ice kokaukeng. Konye, arai ekotosi kesi aikam nukisisia nuka esomero loka Nasabiti, atiar biai, ebuni araut naejok noi.

6 Kosodi konyet, arai ekoto Ejakait, Nasabiti naetupakini, erai ebe, arai kecamaki Ejakait ido kajaasi oni ne, akoto eong ener nuka akirot na adau eong apak naeoj akoto ener, ido abu kesumunite ebe abuni eong ener Aisiiranareta kwa kangun kane kokanisa kalo, ber, Aisiiranareta ngun nuikamio kateepun. Akoto eong aiwosa atur na kanuka aibubukin Yesu Kristo; kaNasabiti naetupakinit tupuruc, arai ekoto Ejakait.

Kosodi kwana, akuare na, kosawa ediopet, arai ediopet-kakaisauni, erai ngin-erai Aisiiraret naka "Aijarakon erai tope naibusakina?"

7 Kwana, isawan ice, kotoma alimonokin Aisiiranareta nu kopone kangol, alimunene eong iboro lu etubutubete-kagogong noi. Ido mam cut nepetai da eong apeleikinit ngun kanuka ekanisa lo kane, arai icebore. Kiitunito yesi, naenerar eong, erai ngin naelosi airimokin akwap. Teijo? Ido kijaar oni kede aitemonokinet naka-ateepun, airimor akwap, ido eyangaarete kesi Aisiiranareta nu kau ngina toma amagoron ka nginiibois kere. Ido Emoyo Lokalaunan kacepakio ingarenikini eong alimun ibore yen acepak erai ibore obe yenekoto Ngesi kanuka itunganan ice kokwap kalaije kotoma Australia, kanenice, arai icebore. Aso, acepak, ice ijautenesio, ti kitema jo, "Eebo, kwana, mam ejautene ngol ejai ne. Kanukinyo elimunitor ngesi ngun?" Acepak erai kanuka aiboisit ace, teijo. Aso, eebo, ajeni cut eong ebe imisiikinitosi yesi itunga ngun, ebe mam Aisiiranareta nu itebeikinitai idio. Erai bon nu itebeikinitai Ekanisa, kaimoriarit, kanginiibois kere, ido kere nupe ekotokin Ejakait aingarenikin oni alimun arai aswam.

8 Kipou kajaunos kapak nakaibuses kokwap kotoma Hot Springs, ido kotoma airiamun naka Pentekosit nakepone-lomjong. Ajeni cut eong ebe luipu kayesi imokosi ebe eraasi ngul itunga luka Pentekosit kokwap kangina, ageun na ipotu yesi...yesi luipotu kolototo kwap ngina. Eebo, bon, mam eong ajeni egurupu ngol. Abu bon eong kaomite alosit kwap ngina adaun esabiti, ido abu eong kejaik apaarasia aarei arai auni. Konye akoto eong alimun ibore idiopet. Kotoma airiamun kangin, ajaatar cuticut ngul kede aiyuun, kanu aiyuunia. Arai abu ice kayesi kojauna ngina...

Na da, ajeni eong, amucaalat na kane, ajeni eong ebe ajai ngesi ngina. Ido ajeni eong iinacan iarei ajaasi ngina, Onac Jackson, kesi, Onac Palmer.

9 Ngun kes nu edumunete itunga naejaatar kesi kede aiyuun. Teijo? Ipotu koanyutu ekokoro ngol loka aitingaleo? Amamei idiotunganan yen abu kolomu toma arai abu koloma kinga yenimam Edeke abu kitangaleu. Iany? Iany? Aso do, kijaunotor jo ka aiyuun...

Kosodi ibore ice, elemuni ejaasi ice kayesi, lumam ejenete aipup ngin, ekosio, aiworo. Eebo, kesi bon...Mam kesi iteete itunganan mutan. Erai bon kesi lu iworoete, koingaren naka Edeke. Iany? Erai ngin nakabeit.

Konye, akoto eong alimun, nges adiopet kotoma a-adiopet atiakunet naka angor nuetakanete-itelekario kotoma aila nuanyunitor eong, itima ngul lukaojak, ido-ido koraasi itunga lukokau kangina kotoma amagoro, kau toma amonieik. Konye mam kereka eong eyuunit ebe abu eong kaanyu itunganan idio kangina yen asubit etakani bala-yenikatinen kwana, ijenete yesi nuapeleikinit eong, kede iponesio kere luka make-up's ka iboro luenapitai. Itodiarit ngin...mam acepak eong kiponi acamanar ka kes kotoma kere nuisisianakinete kesi, konye apedori cut eong acamanar kanen. Atakanete ngul bala Ikristayon, mamaka.

10 Aso abu Ejakait kengarenik eong ener akirot, bian, arai bian kanace, kiding paaran: Bon Irwan Atipet Bobo, Ejakait. Ido arai ekanisa, ice kakesi kangina mam ajenete, abu eong keswama ngun kanuka alosikinet, naarai abu Ejakait kengarenik eong aswam ngun. Ajai igurupu ngin euta aikaleleor toma obore ice, ido abu Ejakait kingarak kanuka ngun ai-aswam ngun. Aso, arai cut naumokina. Eong cuticut...

Ijenete yesi, elosete iboro akonye, arai mam jo ijaatar ka akongu nakomoyo, mam jo ipedori adumun ngin. Ekoto jo koseseni iingaren mama ejaasi iboro ngul.

11 Abu eong kalomu toma. Ido Onac lo Ungren, bala irwan nakiareit eong aiirar etunganan ngol eyoi. Nepe cut ajai eong alosit alomar toma togo, ayoi ngesi Alosi Eong Ido Enerasi Nepepe Ka Ekabaka. Abu eong kaomoom, "Mam kereka ngun ibusiak!" Epone lo ebe abu Ekabaka ngol duc...Iany? Alosit ka ener, apolouke erai eidicane loeropa. Mere bon kotoma okanisa, konye, kotoma nginiibois kere, kolosi ido kinerasi ka Ekabaka.

12 Kosodi kanen, kipou kangoliasi kuju arwatata, ido aji nen akadi inamakina toma aput kotoma kanen, naka epone loka atakan na kebu etunganan loanyaritai George Todd kojaatar-kebu kinomunite kanuka. Mam eong ajeni arai kanukinyo abu etunganan ngol kiswama ngun. Katicepak, motoko, mam cut ngesi abu koomite, ido kebu ngesi kinomu ngin ido erai aput naka erongat, kokau kotoma amagoro, ido-ido kojai aguurut elelei kwap. Ido kowai kaje loka aguurut, ebwoi akale kede iketaok, kikiaritos akii kec kuju, kiteete juwai naka aguurut. Mam eong ajeni arai ejai Ejkt. Todd ne. Mam eong ajeni ngesi. Konye akoto alimun nuta, abu Ejakait kiner mamaka nangolekinio eong aput ngin. Ido kacepak mam ngesi ajeni, kapak naenomina ngesi ngin.

Iitunitosi yesi akirokang kwa nuka amiam na abeit ekesa je aduikin, kede aiworo keng? Eebo, ejai ngin nen kede iketaok, kwangin, kariri naka akipi nuka ajar. Teijo? Aiyengakinet, epone loajaatar toto namiam ngin ka ikekoku nen! Ido abu eong kaomoom, "Eebo. Ido kowai kaje, kane ejaasi, edapakina okito luesalito duc akecekui eraas nu elibaaka, kijaar eong kede-kede toto ka ikoku laingol ngina, da, luidaritosi kangina."

Eyalama, onac, Onac George Todd, arai kejai etunganan ngol ne atupuruc na.

13 Kwana, ti eong kajaunos ka nukisia nuka Nasabiti. Etapit duc eong araut loayangaari aojau kede ngun.

Ejai ibore yen esubanakan kotauka, mam eong ajeni, ageun bian. Kwana oni...arai erai Ejakait...erai a-erai akirot. Ajai eong auta amojong, ido eong-eong mam ajeni arai etia ai aojau naibusakinitor eong ajaut ne. Konye aingiset naepol kotoma okanisa, na ejaiki itunga atiakiatiakaun, ka aomisio nuegelegela.

Eputos cut bala anyamio naka "apple." Ido abu eong kalimonokinite Aisiiraret na, ido eyuunit eong, kagogong, apedori aitogogong ngin kotoma Nuiwadikatai, ebe mam kerai apples. Teijo? Etolomu aitolitoluno naepol.

14 Aso, arai caat ber, eringa oni kenyouno...iburai oni abongor kwana, kotoma bala apaarasia akaisauni, ijenete yesi, abongor Arizona. Ido arai, eringa eong kenyouno, ekoto Ejakait, akoto eong ti alemun Naiwadikatai. Ido mam ikamunete ngin kede ateepeu. Arai kiswamata kesi ngun, mam igwelarete ateepeu ngin. Mam icamakinete ngin elomari kinga. Akoto eong aitetemun Abeit nateni naka edukone ka elakit. Erai ngesi aingiset. Ido eraasi lu isawan lukawasia, ebe, "Naibusakinitor nukaiyeiyea kere nuka Edeke aitodolikinio." Ido bian, abuni adokun aitorun orongan, koapie akwap aiwalar, abu Emoyo Lokalaunan kosubite bala ajai alimokin eong ebe, "Kikamu ngun katepeu kosodi aiperikin awai," Mam eong ajeni arai kanukinyo, konye, "Abeit nakotenan naka edukone ka elakit."

Ice kakesi ebalasi ebe, "Epedorete itunga adukokin, arai kiyapoto kesi ebe kejaasi kesi toma adoteu." Kosodi luce ebalasi, "Eebo, arai kiswamanakinos kesi nukaronok idiopet ka nginice, ido-ido komam kesi epedorete aiboi nepepe; ejok aiboi, kakwap, kotoma ainapakin, itia aijar kotoma ogeana kakwap." Ido aingiseta ngun kere nuegelegela! Ido ice edukokinete kesi kopone cut edio kere lomojong. Ido ice ekotosi abwatakin kesi akipi, ido kosodete aibelokin kesi kau, ido atemar atiar, "Mam cut sek lu adukokina." Ido isirerengete kesi, kosodete aibelokin kesi aikopakin bobo ekanisa. Ejaas iponesio kere luegelegela luka aitolitoluno. Konye, arai ejai aitolitoluno naetia nen, ibusakininit kojai Abeit nenice.

Eyuunit eong, ido alimuni nu kayongit, eyuunit eong ebe apukoki Ejakait eong ngun, ido eong...Abeit ngin. Ido arai keloma okanisan, enyilinyilari ibore ngin. Na da, acepak ibusakininit. Konye ngun erai...Akoto ti gwai eong ikecokok, bon acamakin ikecokok luka ekanisan, adumun ateepeu ngin. Kosodete kesi abolia ngin, ido kanen epedorete kesi aingarenikin agear kanen paka. Konye akoto bon eong aikamun ngun kotoma ateepeu, aitoduun Abeit alopet naka ngun. Eyuunit eong ebe lo nges esawa loibusakinitor nu "nukaiyeiyea aitodolikinio," angetakinio. Eraasi ngun nuaponi kotironoroi, kwape kibalar oni, kotoma aturio, nuka ateepeu, kwape kipou kidaunitor ayangaun Aipuceta Akanyikaarei ngun, ka Aturio Akanyikaarei Nuka Ekanisa da.

15 Ido kitereikina kwana oni kede apak kanuka Arupepen Akanyikaarei, kosodi konyet Atanyia. Ido acepak tikipedo aibwaikin airiamun naka isabitin-iaiei kasodete aimorikikin ngun nepepe. Akoto aikamun ngun kotoma ateepeu.

Kosodi konyet, kilema ngun, ajai kwana eong atamit aijaikin ngun kosiomai kanu aitemonokin, ido konyet aismamaun iitabon kotoma kangun, Aturio Nuka Ekanisa; iitabon ikanyaarei luka atur naka ekanisa, ateepeu akanyaarei, ido aismamaun kopone kangol. Kipedori oni aswam ngun korai kotiai kwape loedit kwape tikipedori oni, tetere nginitunganan epedori adumun. Kosodi konyet arai kiyap Ejakait, kasodi eong alosit, ipote yesi aanyun ebe akiro nuabu eong kenerite Kokiror loka Ejakait epote aitodolikin cut kwape eneritere Ngun. Mam cut iiritotor aibiror, ber, ido ace kaNgun eraas nuepote aitodolikin konyet ekaulo.

16 Ido eong -eong amuno ebe kocamak Ejakait oni karasakisi cut aswam ngun. Kiponi isio aitejenikin itunga, apak, naarai ipotu lu ekotosi aponare kosodete apupun akiro ngun. Ido eong-ido eyalama eong kanuka ngun.

17 Arai emamei itunganan yeniyuuni Ngun, araiboot aipup Ngun, ajokis bodo anyoin ebuni ngin aismamaikin eong, aibwo kane, alimun idiobore kere yenikamunit Ngun? Teijo? Eputokinos bala acakakin emugati akipi. Eputokinos bala...arai emamei idiotunganan yen elosi aiyuuni Ngun, apolouke bodo eputokinos bala acakakin ilulun mama ejaas ipegei. Konye ejaasi ilukumin irwan ilukumin luyunitos Ngun. Teijo? Ido edongakinos kesi mama ejai Nginikirot. Ido kikoto aitolomun toma kwape luipu, kwape epedoror, kapak oni-kapak nakikapakinor oni ajaun ka aijaanakineta nu, ido kanuka aibuses naka Ejakait. Ido kiyuunit oni ebe ebuni Edeke aijaikin oni ngin.

Ido mam eong akoto ajaun ka ngin aitodol na iyengakinia Edeke eong aswam ngun. Ejaatar Edeke ka apak kanuka nginibore. Teijo? Mam ibusakininit jo alingar iingarenike. Arai kisak jo akima kon eringa...Aisitor acuuma na esaki toma nen eringa ngun kekoko, itwaniari jo ewai loebur loka akima kon. Iany? Aso na edolitor apak naka ecilikiki airupakino toma, ebuni Edeke airupakin nges toma, kalosete konyet oi aidweny. Konye eong bon...

18 Kapak, na apupunio eong aridakinio kopone kangol. Abu eong kaomite ebe abuni eong aipetipetun alomun kotoma kangun, kotoma apak naeuriana. Apaaran kere bian, mam eong abu kapedo alemar ngun awai kotoma aomisiokang, akuare kere bian kuare. Abu eong kaloma apero isawan bala ikanyape. Abu eong kajotoor adaun isawan bala iuni, kakuare kaya. Ido bian kuare mam eong abu kapedo ajootor. Koroko ca, Ibore ebal, "Kikam kateepu ngun, "Edukone Ka Elakit." Teijo? Aso eong-eong...Arai ekoto Ejakait, arai esalit ngin toma otauka kosodi Ejakait aitodikin eong ace bobo nuka ngun, ejok, konyet, abuni eong...Eong-abuni eong kacepak aikamun ngun kateepu. Ianyutu?

Konye, kiitutu, kanuka ikejaanakinak bon. Ibuni jo, konye, kosodi aipup. Konye ateepu alopet, kinye...Koany, naarai elomari ngin toma atukono nuka ikeyuunak, ice ejaasi kopone kalo, kwabo ice kopone kaje, kosodete aigirun nu eomitosi kesi ikulepek. Ido akoto eong iinacan ikejaanakinak kojaasi kana kotoma otogoikec kikulepek luisisiaatar kesi, kosodete konyet kesi alosit kanen, naarai erai kesi kes ikamunitos akiro. Erai kesi. Arai ekoto aijesar kosodi aboliaikin ngin mama ejai ekatubon, ice kotoma ikapolok lu. Eebo.

19 Koany nuabala Ejakait nuikamunitos nu, Edukone Ka Elakit. Erai ibore yenelaunit itia kwape eomitotor itunga ebe erai ngesi. Ido ebuni cut aimorikikin alomar toma Aur Naka Emun. Erai bon ibore ngipengin, euta cut alosit akonye, erai ngun kes nukaiyeiyea kwa. Kiitutu, "Kotoma apaarasia nuka emalaika loikanyetekaarei, kosodi kitodolikino nukaiyeiyea kere nuka Edeke," iboro ngul lumam ajenio lu abuni Ejakait angetanakin. Kwana, kiton ne...

20 Kwana kiitunito, ediopet-kakaisauni nges apak naegeunor ariamunikus? [Ebal, Onac Neville, "Eebo."-Ekewa.] Kwana, Onac Neville, arai ijaatar jo ka aisiiraret kanuka lolo kuare, kolimonok ngin. Teijo? ["Mam, cut."] Mam ebuni ayangaikin eong bala esawa arai adakikan akaisaongon-kanukany, ido abuni eong aikamun kateepu nece neka ngun.

Alalakinit eong aipup onac Neville. Amina eong nges. Erai ngesi onaceka. Ido eong-aomit eong erai ngesi ekeneran lo eumokina, ekejaanakinan lo eumokina. Ido eong...Ibore idiopet yenikamunit Onac Neville, alalakinit eong, kelimu ngesi idiobore, ejari ngesi ngun nuinera ngesi. Kwana, ngin-ngin nges ibore yenepol.

Ijenete yesi, ipedori ijo kanuka aijarakon aitodikin itunganan alimonokinet itia jo aitodikin nges kanuka alimonokin ngin. "Naarai iraasi yesi ikulepek ibaluwan luiwadikatai, lu esiomete itunga kere." Kwana, aso ber oni, eringa oni...

21 Kipedori oni apukonor apapulai, konye Edeke nges ibusakinit apukor aisisia na naka esomero loka Nasabiti, aso kelipata cut oni Ngesi kismama ngun.

Papa lokoKuju, oni-oni kanuka aiyuun kiseseni nukoinngaren. Aseseni kwana eong, kanuka aiyuun, mama ejai ibore ice yenebunit, Ejakait, toma akwap, yenelosi ariuun iKonitunga nepepe. Nakianyuni isio ekanisan lukidiinin eutasi itunga aikidiokoor ido kojaasi aitegelikin noi, eraasi kaitebeikin lueutasi aremun itunga kinga; kwape ajaar kolo ko Misiri, e parao ece edakun, lomam ajeni Yosep.

Kwape ajaar ko Germany, ido kotoma...kalaije ko Russia, ka Italy, apotu itunga kodakunos Josephs, Hitler ka Stalin, Mussolini, lu angarasi Eyudayat. Kibusakinit kesi abongor obukey. Edeke, ijaatar Jo kirotin lukiswamaet iboro, lumam isio kipedori ajenun. Ido ibu Jo koridak kesi. Amamei ere ko Germany; nginibore kere aponi kodemarai kesi. Karaida, ko Italy, Russia, amamei aibois nalotot. Ido aponi kinyakarai obukey, kanu cut aitodolikin Akirot, kanu bon aitodolikin Akirot.

Oo, akan naka Edeke naka amin! Epone lo, kacepakio, etakani bala ededeng, kanuka epone lo eanyunitotor itunga ican, konye ngin, esalit ca, erai ngesi akan nakamin naka Yawe, ingarenikinit idweKe ludidik. Kimalai isio Jo, Ejakait.

22 Kwana elipi eong, Edeke, kwape asesenia eong apaaran naejaer erionget aridakin ikeyuunak, agolonor kes kinga, kobalasi, ebe, "Ibusakinit ekecekiror kojai toma oitabo kec, araimam eolioritos do ngul. Mam aiswamanar kede egurupu loce." Erai bon akan naka amin naka Yawe, euta aingarenikin kesi toma Okitoi loka Aijar. Elipi eong, Edeke, ebe kanginidiope, ajeni eong epote kesi akotokin, naarai erai AkirotoKon, ido mam Ngin ibiror. Ido karaut isio luingarenikini Okitoi loka Aijar, tetere kiraun isio ikerumak luka Aijar naka Ikar Kere, kasodete aanyun akan naka Edeke, ka isio da, kanuka akonye nuka aiyuun, kaseseneta ailam itoribei lu lukilos kotoma lolo, kaanyutu akwap naka aisumunet epesiara koingaren.

Kisirereng AkirotoKon, atupuruc na, Ejakait, adis nu kotoma kaNuiwadikatai ka iwadikaeta da lu luewadikat eong kane. Elipit kobu Emoyo Lokalaunan kwana do, kwape ejaikinor eong elopet, akepio naka angajep ka aomit, aomisio. Kosodi ekanisa aijaikin akiikec nuka ajenun, ikecetaun, ka isio da kere, nepepe, ebe ibuni Jo einer mamakosi kotoma AkirotoKon, naarai erai AkirotoKon Abeit. Kokiror loka Akirot, Yesu Kristo, kilipit isio ngun. Amen.

23 Kwana, kopukosi kotoma Obaibulinikus, Oitabo loka Anyoun. Kwana do akoto eong asiomun eawai loka Naiwadikatai kotoma Anyoun, esula lo3, ameun ko 1 kiton 12. Bon kopupokisi, ejok, kwape kisiomia.

Anyoun, esula lo3, 1 kiton 12.

*Ecokie Musa esipan loka ekamuranike Yetero, esasedoti loka Midian: komea esipan kau naka amoding, kodol moru loka Edeke, nges Koreb.*

*Kitaanyikin emalaika loka Ejakait nges, kotoma angajep naka akim kokiding kekiot: kosesen ido kosodi...ngesi...koany, anoki akim kokiote, komam ekiot idopori.*

*Kobala Musa ebe, Kamana ber, kaany akirot na naepol, nada ekiot erai...namam ekiot idoporia.*

*Keanyu Ejakait ngesi emanuni aanyun,...*

Akoto eong aikeseun ngun!

*Keanyu Ejakait nges emanuni aanyun, konyarau Edeke nges kokiding okiote kiner ebe, Musa, Musa, kii ebe, Eong lo.*

*Kobala ebe, Sirikikuny ne: kolaca akonimuk kakejekon, naarai aibois naibwoia erai akwap nakalaunan.*

Kiner bobo ebe, Eong Edeke loka papakon, Edeke loka Aburaam, Edeke loka Isaak, Edeke loka Yakob da. Kibwa Musa akekonyen; naarai abu koyong asesen Edeke.

*Kiner Ejakait ebe, Aany cut aiticanio naka ikatunga luejaas Misiri, eira akeceimony kanuka ngul luitwasamaete kes; naarai ajeni ikececan:*

*Adokunit ayuun kes kakan naka Emisiri, aitonyoun kes kakwap kangin aitolomar akwap naejok, naelai, akwap naelete akile ka esik; aibois naka Ekananit,...Ekitit,...Ekibit,...Eyebusit.*

*Aso koany, kadoloki aimony naka idwe luka Isirael: bobo da aany aroikinit naeroikinitotor Imisirian kes.*

*Bia do keyakia neejai Parao,...*

24 Ipotu yesi koanyutu? "Adokunit eong." Konye, "Eyakiari Eong jo." Edeke elosi kotoma aput naka etunganan. "Kolot." Mere ber eong kasiom ekokoro lo 10 bobo.

*Bia do, keyakia neejai Parao, kitolom ikatunga idwe luka Isirael koMisiri.*

*Kobala Musa Edeke ebe Ingai bo eong loalosi neejai Parao, aitolomun idwe luka Isirael koMisiri?*

*Kotema atiar, Abeit ajaenena Eong kajo; ido na nges aanyunet nakitejenuni jo ebe Eong nges keyakiarit jo: naidaunia aitolomun...*

Elipit aitimio.

*...Naidaunia jo aitolomun itunga ko Misiri, ijaanakinete Edeke komoru kalo.*

Mam abu kaanyunite, lem sek, konye apupi aiyengakinet naidul noi naka Emoyo Lokalaunan atupuruc na, abu do eong kekam ngin kanepakanen do. Edeke, iyakiari Ebulesitike abongor neakerunitor, abu kijaik ngol aanyunet naka emoru. Mam abu kaanyunite ngin aitodol cut kanen. Ebuni na araut aanyunet naka Ikar Kere mamakon." Ianyutu?

25 Kwana kilosi oni einer, atupuruc na, kotoma akirot naka anyoun nakiareit naka itunga luka Edeke, araiboot anyaraunio kinga naka itunga luka Edeke. Anyoun apolouke "itolomunitai kinga; enyaraunitai kinga; elemunitai awai kama." Ido akoto eong aitwasam ngin kwape akirot, naka anyoun nakiareit naka itunga luka Edeke. [Anyara Onac Branham akou kangin, Anyoun Ngin Nakiuniet, kotoma aijaanakin naka atiibong-Ekewa.]

26 Kwana, ajaununotor ngul kede anyoununeta nuipu, ejena bo sek, konye enera eong nuka apak naabu Edeke konyaraunia anyoun, atiakunio kama kanekajaasi kesi, kapak kanapekana. Kane, ejai Edeke ekapanakin aitodolikin AkirotoKe naka Edeke nakisumunit naabu kijaikinite Aburaam, ido mama ejai Isaak, ido mama ejai Yakob. Ikar, akwat nuka ikar kes ketuboro, konye, ca, Edeke mam cut imuruokini aisumuneteKe. Kotoma apak, apak naedolit, Edeke duc itarauni aisumuneteKe nakabeit.

Kanuka ngun, ipedori jo aiyengunit kojene cut ebe nu isumunit Edeke kotoma Obaibuli lo, ebuni Ngesi aswam ngun. Emamei cut eipud aoomoom nuka ibore ice, ido atemar atiar, "Eebo, kerai enabi, acepak, lokibiroro," arai, "mam ngun epedorete aiswamaun kotoma apaaran na." Araas nu atakanete bala mam epedoros kapak kangin, keraas numam epedoros itia epone loejaatar kwana. Konye abu Edeke kiswama

ngun, karaida kerai biai, naarai esumunit Ngesi ebe abuni Ngesi aswam ngun.

Ido ongoleik eipone loiswama Ngesi ngun. "Adokunit Eong. Abu Eong keira aimony ngin. Eitunit Eong aisumuneteKa. Ido adokunit Eong aswam ngun, ido eyakiari Eong jo. Kiswama jo ngun. Abuni Eong ajaut ka jo. Cuticut, abuni Eong ajaut ka jo. Ajakut Kang na mam cut-mam cut-etwaniari ebuni ajaut ka jo ne ilosi jo kere. Sirikiyong." Teijo? "Adokunit Eong kwap ayuun." Ajeni cut eong ebe aomisio nukomoyo ikamunete ngin. Teijo? Teijo? "Eong-arai eong-alosi Eong aiyakiar jo, ayangaun iKatunga toma anyoun. Anyaraun kesi kinga, ido abuni Eong ajaut nepepe ka jo."

27 Kwana, epone -epone lo kipedoria oni aiyengunit, epone loepedoria aiyuun aikamun edobo ngol kanen. Teijo? Elosi Edeke aswam ngun. Abu Ngesi kisumun ngun. Komam apod epone ali, ijautenesio luejaasi. Arai inyo inera itunganan ice, elosi Edeke aswam ngun, karaida biai, naarai abu Ngesi kisumunite ngun. Ido iswamai Ngesi ngun kopatana noi, ebe ngun-ilamaros ngun aikalam aijen naka aomisio nuisisiatos nuetamito airwananar nuikamunito ngun, "Opone ali epedorotor?"

Mam kereka eong apeleikinit atemar ebe etunganan kwana, loejaatar ka awomisio nuejokuka, nuicasitos, aisiaisia naejokuna, ebe etunganan ngol mam epedori ajenun Ngun. Ejokuka ngun kere, ido eumokina, alemar bon namam ngesi itwasama ngun airwananaria, konye, aisisiate ngin naejaatar ngesi, aiyuunitor Edeke. Koraun ngin na ibelokinio toma apatanu naka aipup ngun nuedaunit Edeke ener, kosodi aiyuun Ngun. Ebuni aisia ke aingarakin ngesi kapak kangin do.

Koany. Konye na etamia etunganan airwananar, "Mam ngun eraas nutikepedor aswam," epote do ngun airengiar nges awai kama ejai Edeke, kopekwangin, apak kere, naejaar ngesi etamit a-a aipup ngun, aijen keng elopet. Teijo? Arai mam jo ijeni, ido kobala Ebaibuli ibore mutan, bon kekunyak Ngin, "Amen." Kojalak ngin kopone kangol.

28 Kwana, aibois na abongonor toma Kanuiwadikatai, ipedori jo aiwadik kes, kotoma aisia na naka Nasabiti. Konye ti eong akoto, acepak, arai ikoto jo angolekin ngun. Konye, ber, kijaar eong ka nuipu kane. Aso oni...

Eringa oni kedumunia nanyoin apolou naka anyoun kana, ido alosi eong aituput anyoun ngin kwana...anyoun kapak kangin, ka anyoun na kwana, ido koany arai mam eupanara cuticut. Adiopet kakesi erai nakakuan. Ido iboro ngupengul luabu Ngesi kiswama kakuan, ejai Ngesi ituputoorit bobo, aitarauun ngin ibore ilopet komoyo, anyoun nakomoyo.

29 Erai naeumokina, kanu aanyun Akirot naka Edeke! Epedori ti biai idiotunganan atiar ebe mam Ngin iyengakinitai? Erai na bala ikar akwat akaisaarei-kikanyauni luatuboros, ijeni jo. Ido epone loabu Ngesi kisumunio, ido nueswama Ngesi kosodi apesikin ngun kinga nen kwape nuwanyunet, epone Ngesi-Ngesi-Ngesi ijaikini etoribe loka ibore aitijenun nuka-ibore kangin ilopet. Adolokini ngun, nat kuare, kiding elap ka akolong, arai ekoto Ejakait.

Konye, ber, ibusakinit oni airereor Ageun kanu aanyun kanukinyo kejaatar kesi kwap toma Misiri. Kanukinyo kejaunotor itunga luka Edeke kinga naka akwap kangin? Konye kereka kakere, esumunit Edeke ngin, cut kangina nekejai ageunet, kede Aburaam, Isaak ka Yakob, kotoma Palestine, abu Edeke koinak kes akwap ngin, ido kobala, "Ngin nges na." Oo, kanen do, kanukinyo mam itunga kejaatar toma aibois nakijaikinit Edeke kes?

Erai ngin aingiset naka lolo, da. Abu Edeke kijaik oni Pentekosit. Abu Ngesi kijaik oni Eitabo loka Aswamisio. Abu Ngesi kijaik oni Emoyo Lokalaunan, aingarenikin oni ka aitetenarit da oni. Abu Ngesi koinak oni akwap. Dobodo kanukinyo kijaar oni kinga naka Ngin? Kanukinyo ejaar ekanisa kinga naka Ngin? Kanukinyo mam ekanisa loepol loka Ikristayon lolo ejaria bobo kwape kOitabo loka Aswamisio, aitolomunit ibore kwape kangin? Ejai akirot na einakinit ngun ikote nen.

30 Kijeni oni kere ebe kitiakatiaka oni, ido kijai oni ojautene lo etiono noi. Ido ejautene loetiono kakere lo-lo iiritor Ekristayone ajaria kotoma, nges lolo. Ido kija oni o...kijai oni cut oreret arai die naka atubokinio naepol, naketasuro na eperi kanuka ekanisa. Ido eringa atubokinio na kejauna, ejai Edeke enyaraunit anyoun, kwape cut abu kiswama kapak kangin. Apotu aronisio nuka Imorain kicularos kuju, aso Ngesi-ejai Ngesi enyaraunit a-a anyoun nakomoyo. Kwana kabongosi ber oni kau apak edit, kotoma aituput, kasodete aanyun.

Apotu kesi kijesaros toma Misiri, kere kanuka ekokote kanuka onac. Erai kanuka ngun nges kejaar Isirael toma Misiri kapak kangin, kinga naka akwap kaya. Kiitunito aisumuneta nuka Edeke kerai alemar bon nakesalitotor kesi toma akwap ngin.

31 Kwana ipedori keraka jo aanyun nukinera sek oni kotoma ailip, ipak idio yen atubor? Kanukinyo keinakini Edeke itiniliki etau loka Parao? Kanu aibwaikin itunga ainyakar toma akwap naka aisumunet, eringa Ngesi kisirerengo ngul, kanu ainun kesi Mesia.

Biai keraunor Ngesi aitininik etau loka Hitler, araut lo asurokinit Eyudayat, kwabo korai ngesi

lokeuritos Eyudayat ka imoit, ngesi elopet? Kikwaikini ai Ngesi epedori aswam ngun kotoma Stalin, Mussolini? Teijo? Itunga lumam iyengakitai, kwape nat ateker, kesi-kesi...Erai Edeke ayangaar e-e ibore lu ejariata kesi, ikisila luka akwap, irwan ipu, kanu aijaikin aisumunetaKe ailelebikin. Aso, abu koraun Ngesi aitininik itauon luka ikepugak ngul lukadedengak, kanu arukoria Eyudayat toma akwap naka aisumunet. Kebu koraun kopone kangol.

32 Kwana kidumuni oni, ebe, aijesar, Yosep...Kijeni oni akiro ngun, kwape kilosio abongor kau toma Ageun, ido ipedorete cut yesi aisiom ngun. Naarai eyapit eong motimot kanu ageun aisisia naeoj na naka Sunday school, ido abuni eong aitam aisunyakini.

Kwana koany. Kosiom akiro ngun kapak naipedoria jo, nuka Yosep, kwape keuritere korai lodidi koinacanake, lo atupakinit lokawasia. Epedorete aomisio nukomoyo aikamun ngun kopekwana. Mam ngesi arai ikoku yenikawasia; Benyamin nges kerai. Konye, kotoma atiakario, kosen. Yosep ka Benyamin kes araasi iinacan toto adiope, ido kesi bon iarei kakoikikec araas iinacan. Mam cut Benyamin abu kojenaar aitodol na eriamunotor ngesi ka Yosep. Ido aitelekaar luce ngul kakesi, aponi Benyamin kokorakinai aatenak aarei nuka nginibore yen abu Yosep kijaik. Mam ace. Kwana koany, kidumuni oni ngun kokwap kanen, aponi kes...

33 Aponi ngesi kolemarai kama ejaasi iinacanake naarai kerai ngesi lokomoyo. Kerai ngesi etunganan loepol, karaida kerai lokitasiono kakere kotoma kakesi. "Ido apotu kesi kolaata ngol komamete akiro." Mam ebusakinit ti kesi aila ngol. Ebusakinit kesi ti ayongit ngol. Naarai, kanukinyo apotu kesi kolaatar ngol? Naarai kerai ngesi onac? Mam cuticut erai ngun. Apotu kolaata ngol naarai kejai Edeke aiswamanar ka ngol adepar idio kakesi. Teijo? Abu Ngesi kijaik ngol a-a-a-a aijen nakomoyo. Apedori ngesi aijul airujasia, ejok noi. Ido apedorit ngesi alimunun iboro lu etodolinikinos, becebec, cut kwape kopone lokejaatar ngun. Ido nges-ido mam nges engaingaitoi.

Abu ngesi koany a-airujasit naka ikes ngul ekukumete koingaren naka ikes keng, ido apotu ikeinacan konyunurikis nges. Kobalas, "Aomit, konyet do, ijo ikeblibelon-yenikalaunan yen," kotoma akiro ace, "mere ebeit isio akukum kongarenikon kacepaaran?" Konye kereka opone ngol apotu ngun kiswamaunotor. Biai tikepedoriata ikososo ngul lukapolok akukum teniteni cut koingaren naka ikesa nginididi ngin, yenipe tai ebwoi kanen? Konye apotu kesi kiswamautu ngun, cut bo apotu kiswamautu, ido kilipitos aitimio. Konye mam ngesi kebunit kotoma apedor, ber, teijo. Kapak kangin kerai bon ngesi lokejai cut kotoma aputo naka ikoku.

34 Konyet do kidumuni oni ebe, kanu aswam nu, ebe aponi Yosep kolemarai awai koinacanake, idiinin, kosodete aibwaikin kinga ngesi elopet bon. Teijo? Iinacanake, kere kotoma akwap ngin. Kosodi konyet abu ibore yenapol noi kobu. Kianyuni oni ebe Isirael...alemar bon na eboioto kesi kotoma aiboisikec nakiboiet, ido kidarakina. Kwana erai ngin ibore yenejok, asalit toma aiboisit. Kaisiboikinio, erai ngin naedolit. Konye, apotu kesi kolemasi Emoyo.

Luka nugeunet, lolo, kaisiboikinio ejenete kesi ibore yen eraasi kesi, kanu aomit naka akuan naka Ebaibuli, konye emamei Emoyo. Angeroto kesi Yosep, etolomasi Ngol kinga. Mam kesi akotosi ibore idio kere yenikamunit Ngol. "Erai abunget naka ikebelibelok-lukalaunak. Erai e...Mam isio ikoto idiobore yenikamunit Ngol." Agolosi kesi Ngol kinga, agwelasi Ngesi, mama ejaasi akwapin. Kejaasi ngul kinga naka eidicane kec.

35 Kwana, kanu aswam ngun, aponi kesi kolemarai kinga kaiboisit kangin, ayangaar kwap toma Misiri, konyet kokau.

Kwana, akiro nu nuka iinacan lu ekokote erai cuticut loka aitupuset naepol kede ewaike lokomoyo lolo. Oni-oni kere kijeni ngun, ebe erai ekokote lo esegaara, mere lo esegaara. Erai ekokote lomojong, lo imodokok, lo esiliana. Ianyu? Emame asegaara kotoma ekokote. Teijo? Mam erai idiobore kilema ekokote loesiliana. Na, eanyuniata ngul Ebaibuli ngopengol, ka einono loka Edeke kangopekangol lokiwadikae Ebaibuli, itodiar Elopel, ido konyet aigir Ngun komamete akiro. Esegaara...Aibo, mam esegaara. Kwape abalar eong, erai ekokote lo imodokok. Asesen Edeke itangalei lukadekak, itajaruni lukatwak, Edeke ngopengol lokejari kotoma apaarasia nuka ikiyakia! Akiro Nukajokak ngupengun nuapotu kesi kiwadikata, kanuka erot lo lokomoyo, nges Edeke ngopengol loiswamai ibore ngipengin. Aso mam kes eraasi idiobore kilema ekokote, adau airengiar, "Ido mam isio ikoto Ngun kotungakosi." Itei jo? Arukoria kes awai!

36 Aomitos kesi, iinacan ngul, ebe amamei ibore apote kesi aiswama etunganan kwa kangol, aso, "Kanukinyo mam aisukunyaar ngol?"

Ngun kes nu, ibore ngipengin nges atakanu lolo. Eomitos kesi, ebe, "Naarai araunos ekanisan wok lukacoa, ebe oni kijaar kikodeta lu enapitos-ejok noi kakere, erionget lokapolon kakere, ikejaanakinak lu enapitos ejok noi kakere. Ebe emamei oi ibore kiswama Emoyo Lokalaunan kopone lokejaar Ngol kokau kangina." Ebe, ileleba kesi. Kacekiro, inera aswamisio keporoto loikeseuna itia akiro: Ebe seminariis kec, ka akec...adam nuka akec-akec aitemitem ibore yen, eraasi nuepedoritots noi, kede aomisio kec nuka akuan, aibwaikin Ekanisa toma ainapetai, ejok itia ne epedoria Emoyo Lokalaunan aswam ngun. Kanuka

ngun, mam do boo kesi ipudasi Ngol. "Erai Ngin ibore yen mam isio kipuda lolo. Erai ngin, apaarasia nuka ngun atuboros." Kwana, mam kereka ngun cut eraasi nukabeit? [Ebala atukot, "Amen."-Ekewa.] "Mam oni kipuda Emoyo Lokalaunan aitangale ikadekak. Kijaar oni kede imuruok luka adekis. Mam oni kipuda Emoyo Lokalaunan ener kede angajepa. Kirai oni kere itunga lukacoa." Ido naiswama jo ngun, ilemari do jo, cut kopuremukon, ekokoro loka Aijar.

Abu Yesu kolimok kes Iyudayan, kotoma apaarasiaKe, "Mam ca ma yes isiomitos ngun, 'Amoru naponi kongeroi nges amoru nakapolon naka Agor naesipor aduketait kere kamake'?"

37 Kwana, ianyutu yesi nuabala eong? Ajeni cut eong ebe yes-yes ipedorete yesi aikamun ngun. Ebe, a-a apolou naka ngun kereka kwana, erai naarai aomitos kesi ebe mam cut kesi epote aipudakin Ngol. "Mam isio ikoto ikerabak kede angajepa. Mam kwana bobo isio kipuda inabin luka Aitutuket Namojong aibwaikin isio toma ainapeta, kanuka Emoyo Lokalaunan. Kijeni isio Ngun." Teijo? Adautu kesi arokun eiswamae-loka etunganan ayangaar aibois naka Emoyo Lokalaunan.

Kanukangun, ejaasi itunga lueseunitai, ejaasi ikiroria kec Oitabo loka Imerekek loka Aijar, mam ecamunete ngun. Mam etitingikinetete ngun, mam ace arai apotu lukapapakec ka nukatotokec kepotu lojaritos kotoma okanisa edio kere loka erionget.

38 Na iswamaunia ekanisa, kiswama...kacepak mam erasakini alimun ngun. Oo, mam. Mam cut ecopete alimun ngun, konye aswamisio kec itoduunete ngun. Akirot na kane. Kosodi Emoyo Lokalaunan aitodiar Ngin kokiding naka ngul, kepedo Ngesi atukokin kes nepepe, ebe eringa Ngesi itangaleunene lukadekak, ido itajarunene lukatwak, ido inerenena kotoma angajepa, ido irenganari ajokin. Aso, ikamanara do kede...nuejaas toma naka itunganan.

39 Kwape nat Ajkt. Arganbright kanen, ajai eomoomoi ngun, kapaaran kaya, kiboie kanen kosokot, erutunene anya, najaar ngesi ikasi anya nukalaro. Abu eong katubor kodie, cut eiduny kede ngesi. Mam ngesi ajeni eong, ido abu eong kajalak nges elosi akonye. Ajai eong aseseni.

Kwana koany Emoyo Lokalaunan kotoma aswamuKe naepol.

40 Epupi ekanisa ebe mam nges ipuda Emoyo Lokalaunan. Kilimokinetete ekanisan jo ngun. Ido epedorete ikiliok aibwo kosodete aijaikin jo einer lokacobeu kwa kangol, epedori nepetai aapikin aijaikin jo aiyuun ngun. Kwana kapaikisi ber oni nen, adakika adiopet. Mam kereka Yesu abala ebe apote luarei aidunyakini noi nepepe, "Itapaari Luseuna arai epedoros"? [Ebala atukot, "Amen."-Ekewa.] Ineresinei lukacobeu apote araut luinapaara noi kwangin, ebe ti-ti kitapaasi itunga. Erai eijiri, erai ikiliok luepedorete aiting akirot ngin kopone lo, ebe ibucete ainakin itunganan kere yen ecobe, arai bon imunokina jo acobeukec, kesi- apote kesi aitoron Emoyo Lokalaunan, kosodete ayangaar erot loka etunganan. Kiseseni oni ngun.

41 Kwana, ibore ngipengin nges aomitosi ngul kanuka Yosep, Ido apotu kesi kolemasi nges. Ido, oo, kokwap ko Misiri, oo, kipedori biai oni aomoom, epone lo tikapedoria eong ayangaikin isawan. Ipedorete yesi ti adaun ikar iuni ido komam cut ijalakinete akirot ngin, akuar ka akuar, ido koroko ca idumununete icok luka Emoyo Lokalaunan.

42 Epedorete aomisio nukomoyo angolekin kwap kotoma Misiri kosodete aanyun areio ngin edakun; epedorete aanyun Yosep elemario awai, tetere ebe epedori areio adakun. Kosodi konyet aanyun Edeke, kede aKekokoro kotoma akokoron, nginibore irimi ejok cut. Koany Potipar egiri Yosep; koany aingal ngin naponi kolimunoi. Ido koany Yosep kaidaris, ido abu epenekike kopoloor, irengearitai koinacanake. Konye bodo, atipet ngipengin, abu Edeke kobu toma. Teijo?

43 Epone lokipedoria oni aseseni akokoro ngin kotoma akokoron, iwosi! Aitemonokinetete naepol naka Edeke ejai aisukunyikin nginibore toma anyoun na, toni apak na naebunio Ngesi anyaraar iKetunga ainyakar toma akwap ya bobo, abongor toma aiboisit, toma aiboisit naepedoria Ngesi aisirereng kes kosodi aibwaikin kidingikec ngol Ediopet loabu Ngesi kisumunite ebe abuni Ngesi aibwaikin kidingikec. Kibusakinit kesi ti ajaut toma akwapukec. Kiitunito, kiburai kesi alomun kinga kotoma akwap ngin nakejaasi kesi, kosodete alomar toma akwap naka aisumunet, eringa Mesia kec loesumunitai kepedoro abunore.

44 Ido iburai Ekanisa aswam ibore ngipengin; alomun kinga kama ejai atukos ngin naka ngun luegiritos, alomar toma aisumunet, eringa Mesia kepedoro aitodiario koingarenikec. Ianyutu yesi ngun? [Ebala atukot, "Amen."-Ekewa.] Aijar naka Mesia ngol, itodiaritai, aisikapikin Ekanisa, Ateran.

Kedukoki aberu etunganan, ido komam ecamanara kede ngol, ti eraun ibore yenika e-e ecelet, kopekwangin. Konye arai etunganan ka akeberu, apese apaperoke, naisinerit ngesi, naejaatar kesi ecamanara cuticut, kosubite bala etau ediopet ka aomit da adiopet, naarai elosete kesi araun akuan adiopet.

Konyet do, naepedoria ekanisa alomar toma acamanara kwa kangin nepepe ka Edeke, aitodol aitodiario naka Eteran, naarai epote kesi araun idiopet! Oo, erai na aisia naepol. Mam ace.



Kwana, kiitunito, aomisio nukomoyo elemunete, epedori aanyun aitupuset kede naerai ibore ilopet, kasodi alemun ngun. Naarai adiopet, bon, tikipedo oni alosit adaun isawan ktoma kangin. Asesen nu iswamaunos.

45 Ido kanukinyo kipou oni kedariata ikar lu kere, ageun kocuwa lokayuara lo loka apak? Ijenete yesi inera Ebaibuli, ebe, "Abu ekanisa koker amoding, neaponi kitanere ngesi adaun apak ka apak." Ido kanukinyo bo apotu nu kere kojaunotor? Debe oni...Teijo? Esalit erai akokoron nuka Edeke kotoma akokoron.

Kanukinyo mam Edeke abu kiswama nu, kolo sek, na eboioto itunga kede ikalamun, ka-ka angor, ido kotamitos cut aigirun apak? Kwape nat Judge Rutherford ka luipu kakesi, ebe, "Abu Yesu kobu ko '14." Ido-Ido Mother Shipton kejaatar ka ngin sek kokau noi eringa ngun, ka ice da kwagin, apakio nu kere. Ido, koany, ilosi kotoma kanu, kede ngun nuapotu kesi kotamata airereun Naiwadikatai, teijo, apotu kesi komunautu ngin. Erai ngin naimunonitai. Ido ikwaikini ai Naiwadikatai itepega alopet bon, kwabo abu Yesu kobala, "Emamei etunganan loejeni adakika arai esawa"? Teijo? Teijo? Elemunete bon kesi itutubet idiopet yenika Naiwadikatai kosodete aiting Ngin.

46 Ibusakinit jo aiting Ibore ngin kere. Konyet do arai ejai Edeke toma kangun, ebuni do Edeke aitodiaar ngun kwape Abeit. Kwape nat aitagale naka Edeke, arai mam ngun eraasi Abeit; apolouke mam do eraas Abeit; mam Edeke ibore iswamai kede ngun. Konye arai kitodia Ngesi ngun araut Abeit, apolouke eraas Abeit. Kwape cut Yesu...

47 Abala Edeke, "Arai ejai idiotunganan kama kus, yenerai enabi, arai yenikemoyo, enerasi Eong ka nges. Ido arai kitodolikinos nuelimuni ngesi, kiirasi do ngun. Nges bo ngin. Konye arai ibiroro adwaraanutuke, konyet do..." Mam Edeke epedori aibiror. Erai Ngesi loemamei eikor loka apedorike, mam ibironor, lokagogong kere, ido mam Ngesi epedori aibiror. Aso, arai inera etunganan, itodiarete do ngun etunganan. Arai abu ngol kinerite akekiro kelopet, ibiroros ngun. Konye arai kiner ngesi Akiro nuka Edeke, mam ngun ibiroros, naarai erai Edeke nges inera. Apolouke do, ebunit aiyengakinet ke kama ka Edeke, ido ngin ebuni...ibusakinit cut korai naedolit. Epone ngol nges abalar Edeke atiakunia ngun. Ngol nges epone lo Eb...

Kotoma Aitutuket Namojong, abala Ngesi, "Arai mam inerasi kwape ebalatar ikisila ka inabin, erai naarai emamei Aijar kotomakec, emamei Aica kotoma kec." Abeit. Ibusakinit kes einer kwape ebalatar ikisila ka inabin. Ido adwaranut, arai ibore ice kere, ibusakinit korai kwape ebalatar Akiro. Arai mam, ibiroro. Teijo. Teijo?

48 Kwana, kidumuni oni ebe nu kere apotu kiswamaunos, naarai, edaritai. Aisikwarununeta: Methodists, Baptists, Campbellites, ka-ka kere ngun nuegelegela. Ajaunotor kesi ka aisikwarununeta nuepolok. Konye anyoun ya naepol mam ber ebunit. Kanukinyo? Abu Edeke kolimok Aburaam ebe abuni Ngesi aidar ngol kotoma akwap ngin cut kapak kangin, konye e-epali loka Imorain mam ber eleleba. Ido edar Edeke, katitingu. Itunga ngul, etamitos airereun, epedoritos kesi asesen Naiwadikatai ekeriari toma ibore ice. Ekeriari cut alomar toma ibore ice, kotemarete kesi atiar, "Na nges apaaran ngin. Na nges apak ngin." Konye kokuruokini yes ajenun ebe mam ber epali loka Imorain ilelebikina.

49 Ikar akwataongon apote kesi alosit kokwap kangina koMisiri, kosodete aitolomun kinga. Konye kaitebeikin apotu kesi kodaut ikar akwataongon ka akaisaongon, kanuka agirio naka enabi. Kerai kesi angirikin ican ikar bobo ice, bala akaisaongon kokwap kangina kotoma amoding, eringa Edeke kitolomuna kes kinga. Ajai Musa kinga ngina toma amoding, adaun ikar akaisaongon eringa ngesi kebongoro kanu ayuun kes, koany jo. Ikar akaisaongon kes apak naabu kilamar, naabu kiyatakin, naarai kanu apotu kesi kongerioto aisiiraret.

Kwana ikar akaisaongon kotoma apak naka Edeke erai bala adakika adiopet ka atutubet, mama ejai apak wok. Etia nen atiaketait naejai. "Ikar elukumit erai apaaran adiopet." Teijo? Mam da ber tikerau adakika, bala ti mam da. Koany, kotoma kangin.

50 Kwana kinyamit oni esawa. Kanukinyo? Abu Edeke korai loengirikinit, aidarit, koseseni. Abu kocamak luka-luka Methodists aikeun kotoma aisikwarunio, apotu ngul koraut erionget. Abu kocamak John Smith, ekanisa loka Baptist, aikeun kede aisikwarunio naepol; koraunos erionget. Abu kocamak Ipentekotin aikeun kede ainyakakinio naka ainakineta; koraunos erionget. Aitodol nailelebunor epali cuticut, konyet do kopasi Edeke, kanen do kobuni anyoun.

51 Ido kianyuni oni ngun, ebe epedorete itunga ikulepek asesen kau toma aleles naka apak, ebe erai ibore ngin yenikenitai. Elemunete kesi ibore yenika esabu ka elou loejok loko Babulon, bobo. Ido ibore ngin nges ikeni kokiding naka itunga, naetamiata itunga airupakin aomisioke kilopet kanuikamunitos iboro.

Ibusakinit oni asalakinit kede Akiro ngin. Ngin kes aicorakineta nuka Edeke, kerai, "Mam atiror ibore idio kere kotoma ore kangol, ere ngol lo ekenitai. Siri kitirosi ngin. Kinyeis ngin bon."

Kwabo abu Akan koomite ebe ti ngesi kepedo alemun ibore ngin yenika esabu kosodi aijar ejok noi

bala luce lukakwapin, ka elou loejok loka Babulon. Oo, yes luka Akan kotoma oidukurun! Teijo? Konye kereka ikenitai ibore ngin, ido ikenitai duc kopekwangin. Kerai yen ikenitai ageun cut ko Nicene Council, ko Nicaea, Rome, ido erai yenikenitai ameun kangin. Konye acamaki Edeke epali ailelebun, aitodol na eapunia apak naka Imorain ailelebikin.

52 Kwana do idiotunganan yen ejai aijen nakomoyo, kiitunitosi, enyikokonit eong ainyogonokin atakunun, aijen nakomoyo, ipedori jo aanyun ebe epali loka ateker kana adau ailelebun. Asiponoki ngin ainapeta ka aitemun da bobo asiponokin ainapeta, ido asiponoki ainapeta ka ainapeta. Kwana do aloma toma aimorimorun, ido aimorikikin ka ibore ice. Adautu nukepali ailelebun cut. Erai kwana apak kanuka anyoun, adol apak naka anyaraunio-kinga, alosit toma Akwap naka aisumunet. Mere aisumunet, ebe bon akwap ace naibusakinit alosi toma; konye Ere, Ikar Elukumit ngul, apak kanuka anyaraunio-kinga. Epali loka ateker kana (kitirori ngun bobo akuare na lolo, arai ekoto Ejakait) adau ailelebun. Erai ngin naesiliana.

Itemari jo atiar, "Onac Branham, ateker nape ijari jo kotoma?" Eebo, cut. Cuticut. Itemari jo, "Kwape ekeboion loka United States, mam ibusakinit jo einer kopone kangol. Apolouke bodo, mam kibusakinit Eliya anyaraikin Isirael ekenit, kwabo korai ngesi Esiraelit kapakio kangun. Luce da kere kotoma onabin mam cut ti ikenitos ateker ngin na keraatar kesi Isiraelin kokwapuke.

53 Konye, apotu bon kesi kinerata, mere aomisiokec kikulepek bon, dimarai Akivot naka Ejakait. Teijo? Ikamanara ka ne idumunitor jo aiyengakinio kon. Ikamanara kepone loebunitor ngin. Arai erai naitepegit Akivot, kojalak ngin. Ido elipit eong idiotunganan kere aitogogong ebe eraas Ngun nuitepegitos Akivot.

Mam kereka Ebaibuli abala, kotoma Apukokinio 13? Nen nges etakanunitor ateker na. Erai ateker na naitomonet kauni koimare, ateker naka aberu. Erai aberu, kotoma Obaibuli. Aberu nges ejai okayat wok. Erai ateker naka aberu. Erai ne nges egeunitor aibos naka angor, egeuni, ne engetakinia. Abu aibos kogeun ko Eden, kanuka aigir aiyuun Akivot naka Edeke. Ne nges abu kobekunia alimonokinak nungor ka nginibore ice kere. Asilianut naka akwap kere elomunit ko Hollywood, ateker naerono aitelekaar kakwap; ilakito ipu aitelekaar, nece kere kakwap kimoririkin nepepe. Iany? Kanukinyo? Ibuni jo ajenun kotoma adiopot kapaarasia kanu, arai ekoto Ejakait. Ibuni jo aanyun kanukinyo, ibore yen yenikenitai. Ipedori jo aanyun amudukanut naka ibore yen ebe elakit yen yenemukoria Satan akonye nuka itunga. Kijai oni toma osawa loetiono noi. Awasia

wok erai na aapu kwana, eyuunit eong. Ebositosi kesi, ebositos kiton toma kiding cut.

54 Etakanuni ngesi kotoma Apukokinio 13, enaaba itomon auni. Ido kiitunite ebe abu ngesi konyou bala imerekek, ailajaara naka ediini. Konye do abu kodum apedor kane ajai etiang; aput bala ngol. Ido abu ngol kiner kapedor kere, ido abu kismama iboro luebosito kwipekwi luabu etiang kismama eroko ngesi. Aso tope jo kolimok eong ebe mam ngun edwaritai kanuka ateker kana? Aapu ejautene loka Imorain ationore, naarai ageasi kesi sek aitemonokin ngol.

Karaida ber ipaapa wok lokitetet, alosikinet ke nakapolon erai aimorikikin iinacan nepepe. Ido, kotoma akongu nakakuan, ngin nges ibore ibusakinit aswam. Konye kotoma akonye nuka Edeke, eraas nuitepegitos Emoyo Lokalaunan. Mam oni kipedori ainyalakin kede ngun. Ido eponio ngolikanisa anyaraar toma aimorimorun ngin. Kolomu kinga kama ka ibore kangin, katipet noi kwape ipedoria. Ibuni jo ayangaar emacar loka etiang, komam ijani ibore ijai jo aswam. Kolomu kinga kotomake.

55 Amuno eong ebe epedorete aomisio nukomoyo aikamun ngun. Ajeni cut eong ebe ikamutu yesi. Konye mam eong ajeni, kokinga kangina. Karaida kerai biai mam jo ipedori aipejokin nginikwap. Ipedori jo aijukakin nges ateepon. Ebuni Edeke ajaun kepone edio loikamunia aomisio ngun kangina kane eweikinio ikinyomit ngin. Abeit. Atipet ngipengin naetiroria Aica nges [Ebakaki Onac Branham akekanin nepepe irwan atipet-Ekewa.], adaun ngin, eyangaari Aijar. Kwape aberu ya kama ka atan, abala ngin, "Engibongin kanen." Abu ngesi kikam Ngun.

56 Kolomu kinga kanejai ibore ngin. Ikenitai. "Ikenitai?" Kolimokinai tope jo eong neabu idiopot kibiroror kosodi anyoun bobo. Kolimok eong neabu idiopot konyounio yenimam abu kibiror. Aso, ipedori jo aanyun ebe ibiroro ibore ngin. Mam akiro.

Aroko ber nukepali kilelebuna, nuka Imorain, aso kerai do kes ayapu ka aidar eringa anyoun ngin. Konye nakilelebiata Imorain nukepali kec, konyet do kobuni anyoun nakomoyo, arai anyoun nakakuan, aingarenikin itunga alosit toma akwap nakakuan, nekebu Emorait lokakuan kiboionono, konyaritos akecekwap.

Ido epali loka ediini loka Imorain anyaraikinos ikulepek bonik ebe "Ekanisa," adaun aojau noi, aitodol na ayapunia epalikec ailelebun.

Ebunit anyoun, naebunio Edeke aitodiar ingai bo ingai; neebunio Ekanisa Elopel, Ateran naka Yesu Kristo, eponio aitonyoun alomun kinga, toma akwap naisumunitai. "Togo loka Papaka ejaas aiboisio nuipu, kotoma aiboisit na." Mam iburai jo alosit Ngina ido ejie bala kwa apotu kwi kismamatar. Erai naedaunitai aitemonokin sek. Arai emunaun iswamwok yenikakwap yen, kija kece loidarit sek oni. "Tetere neajai eong,

ijaunos yes da." Anyoun ngin naepol eyapie!

57 Koany epone loabu Edeke kiswama anyoun ngin, nuabu Ngesi...aitemonokineta nuabu Ngesi kiswama, kosodi aisisia apak edit, kosodi konyet angolekin lolo. Mam ace. Koany, eringa anyoun na, "Abu kojaun e-e parao lomam ajeni Yosep." Ianyu? Parao lomam ajeni Yosep. "Mam ajeni Yosep." Inyobo kerai Yosep ebwoikinitai? Ewai lokomoyo kotoma anyoun na nakomoyo.

Enyounit kereka kwana, "Kirai oni ailajaara." ("Aponi aberu kitanai adaun apak, apak ka atiaket naka apak.") Konye do kawasia abu kojaun a-a Yos-...arai parao ekepugan loededeng lomam abu kojeni ailajaara naka ediini, aimorikikin kes nepepe. Mam icamakini ngun kotubor kamakon. Abu apak kodol nakejaar e parao, nasodit ber, kibusakinit abunore.

Ido apotu iriongeta kojarata kotoma oranga, apotu kojara kwape atenu naitudokinitai, toma omusabibu lokabeit loka Ekristayone, konye ca koringa erae araitoke nugeunet; angor, nu enapitos atube; ikiliok, luecobe, ido kongeritos apedor naka Emoyo. Konye ajar kokwap naka ekiror loka ekanisa lo Kristayot. Erai emusabibu loitudokinitai. Konye ebunit kwana ekakorion aigwer emusabibu ngol, kwape abalar Ngesi ebe ebuni aswam. Ngul kere luemamete araito eponio ejepario kosodete acakakin toma akim kosodete aidopor.

58 Erai ibore yen ketasuro alimun, konye kacepakio esubit Abeit bala naitasuroikinit, kwape cut kopekwana kalimokinitor eong yes, Eyangaari Edeke iKedwe aisitor toma akipi nuidulok ka asinge na iminai ka ibore. Iswamai Ngesi ngun kopone kangol. Kiitunite, e-e ibusakinit abwangabwang amot aitarau atiboloka, ikes, itutubeta luedisiak kanu ainyongunio bobo. Esubit bala erai yen ketasuro amudiaar ngin, konye ibusakinit kiswamaunai kwangin, tetere amot ngin ejeunio bobo, atuba arai ibore kere yenipe ijai jo asawam.

59 "Kejai parao lokebu kiboikin oicolong, lomam kejeni Yosep." Ido kerai ngin nges ageunet naka ageunet. Kerai ngin nges ageunet naka anyoun. Ido na ageunia ibore ngin asubun, kowap naka a-a apedor naka politics, abu kogeu asubun, abu Edeke kogeu akapakin. Epali loka Imorain elelebuna. Apak naabu ngesi kisumunite Aburaam elelebuna, ido apak naka ayuunio ayapie.

Ido abu Edeke kocamak e parao aiboikin oicolong, lomam ajeni Yosep, kosodete auruun Rameses. Ido cut akaulo naka Seti kobuni Rameses. Ido kerai Rameses nges ngol lomam kejeni arerengasio nuka Yosep. Ido-ido mam nges ajeni nunyoika keraas ewai lokomoyo. Arai bon nges lo acobe kowai loka politics, ebe apedori ngesi aikamar Ethiopia ka nuce akwapin da kere, kokwap naka agogong naka ajore.

60 Ido aomit eong arai erai ediotunganan kere loka emoyo, tikepedo aanyun nuejaas atakanun kwana. Kilosi oni adumun e parao lomam ejeni ailajaara naka ediini. Na ayangaaria e president wok eyapesike, mam akoto aiyapo ngun, ebe iyuunit ngesi ailajaara naka ediini.

61 Dobodo nuka apaaran kaya nakijaar oni kede akirot na naka agelegela, kokwap kotoma Ngalakimak? Na abu ekapolon loka-loka Alabama...Akoto eong arai ti kapedo ainerakin ka ekejaanakinan ngol, Martin Luther King ngol. Ikwaikini ai etunganan epedori araut ekengarenon, kwabo kojai aingarenikin iketunga toma atacit naka atwanare? Arai koraas itunga ngul ibulesin, ti eong ajai kwap ngina, kalacarite ekooti kang, alosi arami kanuka itunga kangul. Mam kes eraas ibulesin. Eraas kesi ikeboiok. Eraasi kesi ikeboiok lukateker kana. Akirot naka "alosit osomero."

Itunga ngul, arai kejaatar ketau loeninik ido komam ejenete iboro ngul, mam jo ipedori aitingaikin itunga, iboro luka emoyo, ngul luejakai airam toma kanen kede apedorosio nuka politics. Ibusakinit kesi acamun ngun, araun lueuritai bobo, konyet do epote kesi aanyun iboro lu.

62 Konye, etunganan, lo, karai bon eong kapedo ainerakin ka ngol; ingarenikinit itunga ngul luketiai, kokwap naka ekiror loka ediini, toma atacit naka atwanare ne ebunio ngesi aiar ilukumin irwan ilukumin kakesi! Mam kes...Edumunitos bon kesi-ewai lokakuan.

Etunganan lo, onac lokirionon, na adolunio amumu ngin ko Louisiana, ajai eong ngina kapak kangin. Na abu e...Ejai ekejaanakinan lokirionon, onac emojong loketiai, abu konyou aibwo kanen ido kobala, abu kingit imilisian, "Biai araibo kocamakisi eong ti ainerakin kakes? Eraasi kesi ikatunga." Kosodi ekejaanakinan lo emojong, anyoun aibwo, kokinga kangina, kotema, Akoto eong alimun, atupuruc na, mam eong iiritotor ileuc airum kanuka ejese kang. Abu Ekasubanika keswamau eong arai ibore yen arai eong."

Epone ngol nges ekotor Ngol nges asalakinit. Epone ngol nges ekotor Ngesi ngolitunganan asalakinit. Iswamai Ngesi atur nuekwangak, ka atur nubululu, ka iponesio luegelegela luka atur. Sirikinyalinyal kes kabilasia. Sirikinyalinyal kes kikinyom. Isurokini do jo esube.

63 Kobala ngon ebe, "Mam eong iiritotor ileic airum kanuka ejese kang, aitodol atupuruc na." Kotema ngesi atiar, "Na asesenia eong ikatunga edakunos ido aswam iboro luejaas kesi aswam kopekwana," kobala ngesi, "ijaikinit eong ileic airumit kanukec."

Abu eong kaomoom, "Edeke kisirereng eporoto ngol."

Kotema ngesi atiar, "Ilosete bon yesi aitolomun ationis." Kobala, "Kongolekisi isomeri luka ne. Arai komameete oni isomeri," kobala, "ti ngun itegelikina. Konye ingai ber ejaatar ka isomeri lukajokak kakere kane ko Louisiana?" Kobala, "Kayangaasi ber oni, kwape nat, oibuga wok, Shreveport." Kobala, "Ejai esomero loka imusugun laingol, erai esomero ngol lomojong. Apotu kesi kodukokisi oni ece. Emamei kesi karaida ibore idiopet, ibore idiopet kanuka idwe aboliar. Kijaar oi kalaro ileleba. Ido kilema ngun, apotu kesi kodukokisi oni atapar naka marble na eduere kanuka idwe wok. Ido kijaar oni kede ikesisianakinak lukajokak kakere kalu epedorio adumun." Kobala, "Kanukinyo ikototor yesi alosit ngina, kwabo kajaatar oni ka luitelekarito kane? Inyobo akusitionis?" abala ngol.

Ido itunga ngul, kesi, "Irwa!" Apotu kesi kisililingata eporoto ngol. Aso konyet jo, koany, aiyengakinio na erono.

64 Araasi itunga ngul ibulesin. Eraasi kesi iinacanaka ka akainacan. Keraasi kesi ibulesin, ti eong katema, "Kemorikikinos oni kakes kasodete aijesar aitor orot kasodete aitepeg ibore ngin." Mam kes eraasi ibulesin. Eraasi kesi ikeboiok ikulepek akwap lu ejaatar ka apedorosio nu ejaatar itunganan idio kere. Erai bon ngin aiyengakinio naebunit kokatwak, aidupor emilionit kakesi eyario. Egeunete kesi aijulujuleta kamumu. Cuticut, erai ngin. Mam ngin edolit.

Ikiliok ka angor da ejaatar ka apedorosio kec kikulepek. Iinacan wok lukiriokok, ka Japanese wok, ka ludosoik, lukakwangak, lukiriokok, ka nupe kere keraasi kesi, emamei atiaketait kojesekec, kama ka Edeke. Oni kere kilomunit kotoma otunganan ediopet, Adam. Konye arai abu Edeke kotiakatiak oni kosodi aijulakin oni ojesesio luegelegela, kasalakisi do oni kopone kangol. Arai karai eong etunganan lo edosono, akoto eong asalit arai Japanese, arai Chinese. Karai kolo eong e-e-e etunganan lokirionon, ti akoto eong asalit opone ngol. Edeke nges abu kiswamau eong kopone kangol.

65 Kaitebeikin, ejaas nuipu nuikamunitos ateker nakirionon nuibusakinit ti ateker nakakwangan kojaatar. Emamei ngul aiyalongong ngin. Eraasi kesi luitelekarito karaut lukomoyo. Ejaas iboro elukumit luikamunitos kes lumam emusugut epedori ber atiror da. Abu Edeke kiswamau kes opone ngol.

Ingai tope epedori cut-aitelekaar ekwaia loka ikerionok? Ai tikipedosi yesi adumakin iporotoi? Aanyunitor kesi epote kama ka akwapin kokau kangina, mam kejenete anibo, akan nakoteten arai nakokediany. Atekerin kec akaisauni arai akaisaongon, ido ewoete kesi kiton adoketait, ebwoi lokapolon kanen, kobala, "Mam cut eong apedori ngin." Isisianakinitor ngol ikwaiai adaun ikar luipu, ido eraun ece eporoto loikiara adoketait adiopet, ka lo ijesuna, ka nginibore ice kere. Kobala, "Kopupok ber jo nen, erai naedolit cuticut, karaida kotoma angajep naegelara." Eraasi kesi lueinakinaitai.

66 Konye, teijo, iboro lu kere ibusakinit aismamaun, kere kanuka e politician loipotu yesi itunga koseutu kede acuuman kus numagul.

Ido kapaaran kaya na abwoia ekapolon ngol kanen, isiyapotoi ka aseikin da nges toma oyapesi ngol, itunga, ido akirot naka atiakatiaka kwape ejaar ko constitution erai, ebe nginidiopet-nginidiopet kotoma obukui epedori aseun aitup nueomitos ikulepek kanuka ngun. Mam nges abu kopodok, konye abu kosiom e constitution, kobala, "Kwana, ebwoi esomero kede atiakatiaka." Ejai ngul esomero laiije. Ido arai idwe iarei bon lukiriokok kesi akotosi alomar osomero ngol, kwabo kojaatar ka ekolej kec kikulepek. Konye abu ngol kobwo kotema atiar, "Inyo?" Abu ngol da ber kosiom e constitution.

67 Konyet do kebongu mama ajai ekesa lo lokijaar oni kane, lomam ejeni Yosep, ailajaara. Ingaingaitoi kanuka abootin ngun nuka ikerionok, kwabo komam kejenete ebe kerai loka republican nges alacakini kes, ageunia ber. Agwelar nukapolou nuka auriokec, mama ejai ibore kwa kangin, aingarenikin kesi toma atacit naka atwanare, kanu aitodiar ebe ngoliiswamae lo-etunganan ibusakinit aibiror. Cuticut nakabeit. Ido Ejkt. Kennedy abu kitarau Ikedarak ngul araun lu eyait apugan naka akwap kec, kosodi aijukar ikiliok ngul cut abongor akonye nuka lukapapa kec ebwoete kanen kokwap naka e constitution. Abu ngin kobil e constitution bobo.

68 Kobala, "Mam oni kilosi ejie. Mam, cut." Ido kotema, "Amuno eong ebe epedori aanyun ebe mam oni kijari kokwap naka e democracy, konye kokwap naka amumu naka ajore."

69 Ijenete alimunet ngin namojong, "Kiraun e democrat loko Ngalakimak, erai duc." Mam eong ajeni kwana. Uh-huh. Kaitebeikin ebuni etunganan ajaut ka aipup nailosikino akwenyun mama ejai ibore ice mutan. Ianyu? Kinyeis itunga ngul luketiai bonik. Siri kipiasi aiar kesi, kokwap kangina.

Bala kwa abu ekesa ngol koduikinio onac ngol toma opur, kakuare kaya, kede emuudu kangol, ido kojaasi ikedwe ka aberuke togo. Mam eong apodo arai ingai ngesi, ido erai ngun aijesara nakokwap noi ka eiditeu. Eebo, cut. Akoto eong ti karai ekatubon komusago kangol, irwan atipet. Uh-huh. Uh-huh. Aduikin etunganan ngol, ejai abunore ore mama ejai aberuke ka idwe. Erai ngesi ekeboion loka akwap kana, ejaatar kapedor aibwo kanuka nueomit ngesi ebe edolitos, etunganan loejok. Ajai aput toma Life magazine, itelepat nginididi ngin emonyi kanuka papake. Ido ekaronon ece kokinga kangina, aduikin ngol

toma opur, ido korai kotoma aperunio.

Nen nges idoli jo arai kinger jo Kristo. Erai ngin nakabeit. Nen nges ne adol ateker kere, kokwap naka politics. Erai nukileic noi, konye ngun kes kipou oni kakotokinos. Kipou oni ketigogongoto ngun kotoma aseu kana.

70 Abu okooka loedit kotema eong, atupuruc na, "Papa, lukapapaa ikalotok kwi, na aponiata kesi lailo ne, keraasi kereka kesi kere luka ediini lo mutan loka ekanisa? Kesi kere keraasi..." Kobala, "Kesi kere mere anapitosi ikootin luepolok?"

Katema eong atiar, "Mam, lominat. Apote kesi ne kanuka ailajaara naka ediini. Erai kanuka ngun nges aponiata kesi lailo, alomun kinga kama ejaasi iboro kwa kangul." Ianyutu yesi ne adol ngin kwana? Itodiarit ebe ibusakinit ajakanuto nu kere aibiror.

Ibusakinit eong aisunyakin

71 .

Ibore idiopet, elipit eong ebe Onac Martin Luther King kokwenyu cut katipet. Emina ngesi iketunga; mam abuonokin ngun. Konye arai bon ngesi koany neejai aiyengakinio ke. Nanyoin bo ajokis arai kilot jo osomero, koperete emilionit kayesi kalaije, etwakitosi? Mam kerka cut tikeraun, alosit osomero, kwapekwangin? Kwana kanuka-kanuka etengei, arai ti korai ibore ice, ibulesin, ti etunganan ngol kerau ekajenan kanu aijaikin aijarake kanuka akirot kwa kangin, akirot naibusakinitor, ido ti ngin kerau do akirot naibusakinitor. Konye kanupe bon alosit osomero, eong-mam eong etei ngin. Teijo? Mam eong aomit ebe ecamanara Emoyo Lokalaunan nepepe kanges, nepecep da, kotoma kangun. Ejaiki ngin itunga aibilerikin, ainosit aikalalat, teijo.

Kwape-kwape cut abu Hitler kiswama, kalaije ko Germany, abu kingarenik kes alomar cut toma atacit naka atwanare, Germans ngul luketiai. Ido apotu koperoto ko bilionin, arai imilionin, iculitai kangina idiopet kuju kayenice.

Ido erai cuticut ngin ibore yipeyi. Ido kiitunitosi, ajai eong toma ateepe. Ipote yesi aanyun ngun, akaulo, acepak akaulo eong alosit. Erai cuticut ngun kes elosete aiswamaun. Itunga ngul luketiai epote atwakare kanen, bala icuc. Kegeun aijulio naka aomisio, airotarit kere imusugun ka lukirionok da epote ejie bobo, kosodete atwakare bala icuc. Ido inyo kereka idumuni jo na edaunotor ngun kere? Atukot naka itunga lukatwak

72 .

"Konye abu kikeun e parao lomam ajeni Yosep." Ibore ngipengin lolo, anyou etunganan aikeun ido esiyapoi kotoma-kotoma White House, lomam ecamuni aiyapo aiyapositike, mam ecamunit aiyapo ebe iyuunit ngesi nuka ailajara naka edini.

Anyoika kereka inera ipaapa lo lokitetet? Idiopet...Ibore iwongon lu ejaatar ngesi. Idiopet kakesi, erai aisimorikikin luka Protestant nepepe ka Itulikin. Ido mama ejai itunganan yen ecobe, ngin nges ibore yenikiswama. Konye kopone lo ebalat Ebaibuli, ngin nges ibore yenerono aswam. Ido abala Ebaibuli ebe apote kesi aswam ngun.

Kekunyakisi ber oni iingaren nediokasilion. Kapak kana, Rameses, ko Misiri, ajai apolo. Etunganan lokakuan, Rameses, ajai apolo.

Etunganan lokakuan, lokasurup loka kristo ejai epoloi kwana. Kotoma politics adau ngesi adolore o White House. Kotoma ediini, ejaiki ngesi itunga araut lu ebuonokinos noi, kiton do kaitebeikin epote cut ngul acamun ngun. Ido ikengarenok luka idiinin, kaitebeikin ngolikanisa loejai akwap na, adau alomar toma aimorimorun naka ekanisan. Euta Rameses apolo. Ido eutasi kesi aimorimorun nepepe, ido erai ngun epote kesi adumun. Ido nunyoika kereka epote ngun aswam? Iswamauni apedor, etiang kwape kalosodit.

73 Kanen do ebuni areo adoikin ngul kere lumam ecamunete aimorikikin ka ngun, ka agelario da. Ebuni do araut apak naetuboro kapak kangin. Kidau jo sek ayangaar emacar loka etiang. Sirikitema atiar, "Abuni konyet eong aswam ngun kapak kangin." Ejok ijo aswam ngun kopekwana itia. Ajai Rameses apolo.

Konye kiitutu, na ajaar Rameses apolo toma apedor, ko Misiri, ajaatar Edeke ka Musa kotoma amoding. Ajai epoloi, ngesi da. Rameses ajaatar ka eiswamae loka politics, ajaatar Edeke keiswamae lokomoyo, kokwap naka enabi, ekapakina abunore kwap, kanu ainerakin ka itunga.

74 Ejaasi kesi erataikina apolo bobo. Ebuni araut aitodiario, adiopet kotoma apaarasia kanu. Mam apak elwana naebunio aitodiario ajaun. Kwana nukakuan...Kwape ebalat Naiwadikatai, "Ngun nukakuan apotu kitupusito nukomoyo." Mam jo ipedori aikunyar awai kama ka ngin. Engibongin kanen. Ejai cut iingaren akonyekus. Erai Abeit. Kongolek ber jo Ekanisa kwana, enyarit kinga, ejai alomar toma apedor. Emoyo Lokalaunan ebuni kwap, nukaiyeiyea nuka Edeke ejakai apukor ka aibwanakin da toma ainapeta. Teijo?

Ido cut kanepokane, adau ngin alomar toma White House. Kwabo ejai Ekanisa aiyudakin Alopét nepepe, amen, mere erionget; alomun kinga naka nukepali, awai kama ka Imorain; itunga luellacakina. Oo!

75 Ajaatar Edeke ka Musa, ngol lokebuni araut-enabi Keng. Karaida abu ngol kodaunite aidwar sek, ido abu ngun kitogogongoto ebe kedolit ngesi, konye ca ajai ngesi osomero loka amoding, ibwaitai mama ejaas luce lukakwapin. Konye aponi nges kisisianakinai, aitutuorio, kokinga kangina kamoding.

Lokasurup ebuni aitojokit, duc, eiswamae keng. Ido amamus aiyuun ebuni acamun ngun, naarai erai lokasurup aanyunet naka acobeu.

Kwana, kiitunito, ejaas iarei bon. Siri kimurwok yesi na. Ejaasi apedorosio aarei bon. Adiopet erai apedor nakomoyo, naka Emoyo Lokalaunan. Nace ya erai ajokit, iswamai kotoma apedor naka acobeu. Naarai nen nges abu ngesi koloma, komanikor loka Eden, kanuka apedorosio nuka acobeu, ainakin Keba aiyuun apotuun nakakuan, asurokin Akirot naka Edeke. Idelele cut kwape epedoria araut naidelele. Epedorete ti idwe adumun ngin. Teijo? Teijo? Ido epone ngol lo lem ejaar, erot kere kwap.

76 Ejai kwana ngin toma Misiri, atupuruc na. Ejai apedor naka acobeu iswamai kotoma Rameses, aitodokun ngol toma apedor. Kosodi aitopoloor nges, lomam ejeni ailajara ajalakin ngun nukiswamat Yosep, nukiswamaenene ekanisa kotoma ageunet.

Kwana bobo kiseseni oni ibore ngipengin, apedor naka acobeu irimirimi kokiding naka ekanisan, ido adoka kiton araun akou naka idiinin namam epodo ngun nuabala Ebaibuli. Ejaatar kesi kede eiswamaekek kikulepek. Mam erai nuabala Ebaibuli. Erai nuabala ekanisa. Ido apotu luka Protestant kodonyokinos cut toma kangun, kiton igurupun kec ludidik kere, elelikinito nu, "Eebo, cut. Eebo, ajeni eong ebe ebala Ngesi Ne, konye akoto eong alimokin jo, adaunos apaarasia ngun."

"Aputo naka ayongit Edeke, kwabo kongeritos apedor." Kanginidiopet Naiwadikatai edodiarit deres mama ejaas ngun.

Kwana ianyutu yesi kanukinyo akotor eong aikamun nu kateepu ido aijukar mama ejaas itunga. Adolu esawa ngol. Ibusakinit kojenuunai Abeit. Ayapu anyoun. Teijo?

E-Ewai lokacobeu etakani itodolikino. Ido itodolikino, erai cuticut; konye, itodolikino, aiyengakinet naka Satan.

77 Kosodi konyet, apak kere, na, ajaar Rameses lo loecobe apolo ka abunore da toma oicolong. Ido kiitunito, abu ngol kopolo kwape onac mama ejai Musa, teijo, onac mama ejai Musa. Ediopet kakesi ebusakinit ayangaar eicolong loka acobeu, kwape bala Yosep mama ajaas iinacanake. Inyo kereka apotu kesi kiswamaikisi Yosep yenididi ngin? Apotu kogolosi ngesi kinga kama ka Akirot. Erai Akirot Edeke. Ido apotu kesi kogelasi Akirot, kosodete acamun aiyuunet. Aso do kereka kwana apoloor aiyuunet araun apedor.

O Edeke, kocamak itunga koanyutu ngun! Opone ali apedoria eong aiyatakin aitwasam bobo eporoto? Ekwaikini ai eong etacauni ngun adepar nen ketosomae Nuiwadikatai, kokwap naka aiyengakinio naka Emoyo Lokalaunan, ebe kija oni ne?

"O," itemari jo atiar, "eebo, kwana, arai abu ngin kobu kama ejai Ipaapa John, arai Ipaapa Mutan-ka-mutan, Bishop Mutan-ka-mutan!"

Ianyu kereka jo ebe abu Edeke kalem ekeboion-kamoding lope tai, lomam ajena?

Itemari jo atiar, "Epedorete biai ngun kere araut nuibiroro?"

78 Iswamanaros Edeke kede idiope itunganan, mere igurupun. Kede itunganan idiopet; Edeke edumuni Eke-Eke, edumuni Lukeng. Ibore bon yen kibusakinit Nges ajakut kede nges etunganan ediopet lo apedori Ngesi aitosom. Ngun bon nges ekoto Ngesi erai etunganan ediopet. Atamenen Ngesi adumunun ngul, kotoma nginitur. Arai bon kopedori Ngesi adumun etunganan ediopet! Abu Ngesi kodum etunganan ediopet kotoma apaarasia nuka Noa! Etunganan ediopet kotoma apaarasia nuka Eliya! Etunganan ediopet kotoma apaarasia nuka Yokana Lokebatian. Erai bon etunganan ediopet nges ipuda Ngesi. Kotoma apaarasia nuka ikatubok, abu Ngesi kotam adumun etunganan ediopet, Samson, abu koinak ngol apedor naepol, konye abu ngol kogwela ngin mama ejai aberu kosodete aitumudukan. Erai ikatubok; mam arai kwangin. Edeke nges erai Ekatabon. Teijo?

Koany jo, lolo, etamit Ngesi adumun etunganan ediopet loepedori Ngesi aibwaikin akaniKe, loebuni einer Abeit, lomam ekuriana kede ngin, lomam ebuni aiyamiyamittoi, lomam ebuni araut loka aiyuuneta nueomitai ebe eraas nukabeit; etunganan ediopet loepedori Ngesi aiting kotoma akaniKe kosodi aitodiaar Akekirot ejari. Eyuunit eong epedori Ngesi aisikapikin etunganan ngol. Eyuunit eong. Eyuunit eong ngun. Arai bon eong...eyuunit eong Ebaibuli neilesikino, aijen ebe epedori Ngesi ti adumun ngin, erai ngin naka abeit, loebuni ti einer Abeit.

79 Akaulo apak naedit, kidumuni oni, akaulo aitor toma osomeri lu kere. Kwana koany. Itojokaari lokasurup ibore ice, aomisio nukacobeu, naarai iswamai lokasurup kotoma acobeu. Ido epote aomisio aiboikin kosodete airwananar ngun, kosodi atemar atiar, "Kwana, kopala ber jo apak edit. Mam kereka ngun erai kwangin, ebe aurianet..."

Abu eong kenerakinos ka etunganan apaaran ya, ido abu ngol kotema atiar, "Kongolek, Billy!" Iswamai ngesi kanuka Public Service Company, etunganan loejok. Ido abala ngesi, "Akoto eong aingit jo ibore." Kobala, "Irai jo Irish."

Katema eong, "Eebo, ipa. Katema, "Esubit bo bala kerumitos eong ileic kanuka ngun, konye, ca, arai eong."

Ido kobala ngesi, "Eebo," kobala ngesi, "Mam ca ma jo ijeni ebe kotenan, kotenan ibusakinit ti jo irai Etulikit?"

Katema eong atiar, "Arai eong, uh-huh, etulikit logeunet, uh-huh." Ijeni jo, Ekanisa nasodit nges Ekanisa naka atulik.

Ianyutu yesi neadol ngin, lolo? Egeunit ngin ko Pentekosit, konye ainapeta apotu kitodoloto ngin neejai kwana. Kongolekisi Pentekosit, abu kobongu cut kau aibwaikin ainapeta kosodi aswam ibore ngin yen abu ekanisa nasodit naka Atulik. Ido eyapiarito kes aikunyarit awai lolo kwape ngul, kwape ajaunotor ngul kotoma okar ilukumin iarei. Ido ikar akaisakany bon ayangautu kesi aapikin nen. Ianyutu?

80 Kobala ngesi, "Mam kereka jo iyuunit ebe aomisio nuka aimorimorun," aso konye, "kiboikinos nepepe kosodete aitemitem ibore, ido kosodi egurupu ngol kere acamanar, mam kereka jo iwomit ebe ti kesi kepotu cut mot nepetai...Naarai, abu eong kabunitor aiirar jo ilimonokini," kobala, "konye mam eong abu kacamamaros ka jo."

Kasodi eong atemar atiar, "Epone bon lo ipedoria jo aitogogong ebe amamus acamunitekon erai na ecae, nges aitogogong kede Ebaibuli."

Kobala ngol ebe, "Emameete nuikamunitos Ebaibuli kanen."

Katema eong, "Mamakon, acepak mam. Konye, mamaka, erai loikamunitos ngun kere. Koany, erai Akirok."

Kosodi ngesi atemar, "Mam kereka jo iwomit ebe ketukokinos aomisio nuka aimorimorun aiboikin nepepe, epedorete araut luedolitos itia, ido koraas luejenete ebe eraas luedolitos, itia ikesa idiopet yenipetai, yenimam esiomit kwa jo." Kasodi eong atemar... "Eebo," kobala, "nunyoika ikamunitos jo einer imodiobore yen esurokinit ngin na-...arai asurokin ak-ekanisakosi? Kwabo, ajai lem, kotoma atur, nakejaunotor kesi toma aurianet nasodit naka ekanisa, kwape ibu jo kineritor, kangina akuare adiopet..." nakepupunio ngesi nu, aturio nuka ekanisa, nuka atukokin naka aurianet naka aimorimorun ko Nicaea, Roma, kosodete aiswamaun ekanisa naka Roman Catholic. Kotema atiar, Mam jo ijeni ebe ajaasi ngina ilukumin luka itunga, emoyo, apotu itunga lukiyakit-Edeke kiboikinos aurianet ngin? Ido mam kereka jo iwomit ebe aomisioket araasi nuekamara ajenun akote naka Edeke, itia nakon kokwap kane, akaulo na Edeke aitogogong kotoma okar ilukumin iarei ebe ekanisa ngin erai naedit?"

81 Katema eong atiar, "Konye kereka mam Ngesi itogogongitor ngun." Katema eong, "Arai erai ekanisa ngin Ekanisa naka Edeke, kaanyutu cani oni nges euruuni nueputosi ka nuabu Ekanisa nasodit kitolom kapak kangin. Kaanyutu cani oni ngesi itolomuni iboro luapotu kesi kismamata kaiboisit kanasodit. Ne, da ber ebalar Ebaibuli, ebe, 'Mam karaida ikirot idiopet arai iicunyakinet idiopet ibiror kotomaKe.' Ido abala Ngesi, 'itunganan kere yenelemari Akirok adiopet awai kama ka Na, arai aiyatakin akirot adiopet mama ka Ngin, elemario ewaike kinga,' arai erai aurianet naka aimorimorun arai yenipe kere erai ngin, 'kOitabo loka Aijar.' Adaun do ngol."

Kobala, "Billy, irai jo loetiono amisiikin."

Kosodi eong atiar, "Konye ca, aomit eong, kadiopepak kotoma ayongongu naka Isirael, naketiakatar kesi bala Protestant ka Catholic lolo, akoto Isirael asalakin erai Isirael." Konye katema eong, "Kidumuni oni ebe kejaatar kesi kede ekabaka loanyaritari Yekosapat, etunganan loadolit loatamit aricit e-e-e ikisila luka Edeke. Konye kejaatar kesi ka ece kalailo loanyaritari Akab, loabu kodukok aberu, politics, atamit adumun ipapero kede ateker ace, ido abu kodukok adiopet kotoma adwekec, Yesebel, kosodi ayangaun ngin toma a...akidingos naka itunga luka Edeke." Ibore ngipengin yen kijai oni aswam, ka aitolomun da toma. "Ido abu ngin koraun nakepungan; alimokin Akab kiner nu, ka alimokin da Akab kiner ngun." Ibore ngipengin ejaas kesi aswam kwana. Ido abu eong katema atiar, "Adolu aitodiario."

82 Akotosi kesi aimorikikin ekanisan nuaarei nepepe, kwape etamitotor kesi aswam kwana. Ido-ido mama ajai Akab...Karaida ber Yekosapat, etunganan loka erionget, abala, "Eebo. Ebuni ngin araut naejokuna noi. Ikonitunga kes ikatunga. Kirai oni kere Ikristayon. Kirai oni kere ikeyuunak. Kemorikikinos." Konye

nadolio ngol toma aitodiar, kobala, "Mam kereka jo iwomit ebe ibusakinit ti oni alomar ailip kanuka nu? Ibusakinit oni aingitun ber kanejai Ejakait."

Kobala ngol, "Eebo," kobala Akab.

Aso kotema ngesi atiar, "Mere eong kalimok jo. Kadumutu ber oni enabi loka Ejakait."

Konye, koany jo, ajaatar Akab kede eiswamae loamit ngesi ebekerei loka Ejakait. Kotema ngesi atiar, Kijaar eong ka akwataongon kakesi, esiomitos ido itutuoritari." Ido elimoritos kesi araut iinabin Luburanean, kwape lolo iswamata igurupun luka ikejaanakinak lolo.

Ido apotu kesi kitolomutu ngul kinga, ido apotu kingitata kesi aingiset naekamunit e-e nuapote atakanun kojie. Ido abu nginidiopet kakesi kobu kosodete aimorikikin, cut kwape ejaar aurianet naka aimorimorun iswamai lolo, ido apotu kolomutu kede aingiset. "Kolototo. Ejai Ejakait ka yes, naarai kaitebeikin erai akwap ngin nawok. Ido kirengeasi Isurian kangina, arai Ipilistian. Airengiar kes kinga, naarai erai ngin akwapuwok." Epupo ngin erai naka aijen noi. Teijo?

83 Konye, ca, kokwap kotoma otau loka Yekosapat, mam apupo erai naedolit. Kotema ngesi atiar, "Ajani eong ebe ijaatar jo kane ikejaanakinak luka aimorimorun akwataongon luitutuoritari-ejok noi. Ido eraasi kere luketau ediopet, kiton da ber naeswamauniata kesi amumwara nuka asuat ido kobalasi, 'EBALA KWANATA EJAKAIT.' Konye mam tope oni kipedori ti adumun ediopet ecie"

Kotema ngesi, "Kinye ekabaka ener kwangin," abu loka politics kotema. "Kinye ekabaka atemar kwangin, naarai eraasi itunga lu luitutuoritari. Eong elopet nges etutuorit itunga lu. Konye, ejai bo ediopet ece, konye angara eong nges." Teijo? Kobala, "Erai Mikaia, okoku loka Imla, konye," kobala, "Alait eong nges. Mam ngol erai idiobore dimarai loepaarit kamakec. Erai ngesi lo idila amoromor ngul. Idila duc ngesi alimonokin eong ebe mam eong adolit. Kongolek kotoma ajakanutuka." Eebo, kongolek ber jo ngun, kongolek aitolitoluna najai ngin toma.

84 Kongolek ber jo odiinikon, lolo, "Ejaatar ka aput naka ayongit Edeke kwabo kongerite apedor." Teijo? Oo, acepak iyatakinos yesi kede emilionit bobo, ka elukumit bobo, ka ikiliok luitutuoritari-ejok itia, konye aibo ber ijaasi yesi kotoma Omoyo? Aibo ejai agogongu kus, ajai toma Samson, na abwoia ngol kanen, kwape alimunitor eong kapaaran kaya? Kede epureemu ke loapol kanen, ka nginimoorit kere ajai nen, konye kemamei Aijar kotoma keng. Kebu Emoyo konyou ainyein ngesi. Amamei nges aingarakinio adio cut. Ikoku yenididi nges arikit ngesi; agororitari akonye, kanuka aberu acie. Kwape kwangin ejaar Ekanisa, lolo, erikitos politics, ipiskopin, imakio, ka iboro da lukiponesio luegelegela. Ejaas ikiliok atukonokin luisiarakina, kanu adumun ibore idio kotoma akopiira kec, ka nginibore kere. Aibo kidol oni? Aso nakidolunio oni toma aiboisit na...

85 Apotu kesi kijukasi kosodete ayangaun Imla, arai e...mere Imla; konye Mikaia, okoku loka Imla. Apotu kijukasi aomare ngol. Ido abu ngesi kodwar kosodi alimokin kesi ebe aponio aiar Akab arai kelot ngesi adokar ngina.

Ido abu e bishop ngol lokapolon kibap ngesi akituk. Arai ngesi lomunot kanu ekamunitos ngun. Kotema, "Aibo abu Emoyo loka Edeke kolot nakenyounio Ngol kamakang?"

Kobala, "Ibuni jo aanyun." Uh-huh. Uh-huh.

Kotema, "Ibwaikisi ngol aidaris. Kibwaikisi otuja lokotoma. Kitanyamete nges inyammat lukican, ka akipi da nukican. Ido na abongunio eong kotoma ainapakin," kobala, "Abuni eong aiswamanar kede ekesa lo."

Ido, Imla, kojene ebe arai ngesi loadolit kede Edeke! Kanukinyo? Abu aitapoeteke kiriamanara kede Akiro. Kerai ngesi enabi. Ido emoyoke ka aitapoeteke aupanara cuticut kede enabi, Eliya. Abu ngesi kotema, "Arai kibongu jo, cuticut, apolouke mam Edeke inheritos kede eong."

Kwana, abu eong katema ekesa lo atiar, "Anibo arai naedolit, aurianet naka aimorimorun na aponiata ikiliok akwat aongon kiboikinotor nepepe, lu aseunitos itunga, arai bo yenegitara idiopet ye aseuit Edeke?"

"Eebo, opone ali tikipedoria jo ajenun atiaketait?"

Katema eong, "Kabongosi mama ejai aiwadikaet naitodunit kwape ebeitor!" Biai kijenunia oni aiduk etogo arai emamei aiwadikaet aitodunit kwape ebeitor?

Arai ti kesi kopalaritos adakika adiopet, kosodete aanyun ebe enabi ngol, Eliya, abu kikenite Akab, ido abala, "Apote ingokwo aime akeokot." Ido apotu kiswamata ngun. Biai tikisirerengio ngol yenikenit Edeke?

Biai ipedoria jo aisirereng ibore yen ikenit Edeke? Kolomu kobore kangin. Kikunyak awai kama ka ngin. Kobia toma Kristo. Amen.



86 Kwana koanyutu. Konye, ebuni lokasurup aitojok. Ebuni lokasurup apeleikinit ibore ice, aitemonokin ngin, ido aomisio nukacobeu etemarete atiar, "Edolito ngun."

Erai nen nges ajai onac lo loketiai. Etunganan lo, abala ngesi, "Esubit bala...kongolek ne. Ijeni jo, ebe karai oni kere kemorikikina nepepe, kwape ekanisa adiopet, mam kereka jo iwomit ebe ti ejok itia aisiarakina kopone lokijaar oni kwana?"

Mam kereka ngin epupo erai nakaijen, karai kere Protestants ka Catholics apedor aimorikikin nepepe kosodete adolokin toma kiding kiding? "Konye biai epedoriatia iarei aupakin arai mam ecamanara?" Biai ipedoriatia jo, kwabo egurupu ediopet kane mam iyuunit aitingaleo, loce je ebala ebe iyuunitos kesi, loce je ibwaikinit ngun araut nuka apak ace kolo nakokau? Ice mam da ber iyuunitosi Ebaibuli. Ido kibwaik jo ngul nepepe, inyo bo do idumuni jo? Mam Edeke erai loka aitolitoluno.

193Eringa Edeke kibwaikina EkanisaKe toma ainapeta, apotu ngul kidarata apaarasia atomon ka akuarasia da atomon, toni kesi kere araun "kotoma aiboisit adiopet, kotoma alosikinet adiopet." Kosodi do Emoyo Lokalaunan abunore kanu aingarenikin, mere ebe ace aurianet naka aimorimorun. Teijo? Amuno eong idumutu yesi na. Koany.

87 Ngol nges lomam iyuunit, mam erai yenimunot mam ejai Akirok naka Edeke, ngin yenimam eanyuni nu ebala Akirok, konye kojoni bon nuka airwananar keng. Ngun kes nuabu Keba kiswama, kageunet. Abu komunokin airwananar keng.

Abu Satan kotema atiar, "Kwana, kongolek ne. Mam kereka ngin erai nakaijen? Ajeni bo eong ebala Akirok Nen. Konye kopala ber jo apak edit, mam kereka erai nakaijen ebe-ebe ibuni jo ajaun ejok itia arai ti jo kojoni nuejokuka kama ejaasi nueroko?"

"Kanukinyo, eebo." Kolemuni do ngesi ngin. Teijo? Cutibo.

88 Epone ngol ejaar airwananar. Kwana, amamus aiyuun elosenene duc toma airwananar, konye aiyuun mam etirori ngun nepecep da.

Mam kereka ti erai airwananar naejok mama ejai papawok; kama kangol loerai papa loka aiyuun wok, Aburaam, ebe kirai oni ikedwe kanuka "kotoma Kristo." Mam kereka ti erai airwananar naejok ebe aberu naka ikar akaisakanyikape-kikany luka amojongu, ido kiboikino kesi ageun erai apese, mam tikepedo adumun ikoku? Ido kedol ngin ikar akwatat luka apolou arai akaisakany kaongon, kosodi ngol akwatat, ido koroko emamei ikoku. Mam tikirwana, adoketait ace naka idokitan ka sayanis aanyanar Sara? Kobala, "Inyo nat, eonit aililigeteke de. Ipiin da luka akile aokoto, ikar akaisaongon kokau. Eketau, katur kangin, mam ngin tikepedo alomar aidoun." Kanukinyo, erai bon airwananar."

89 Konye abu Aburaam kogir ngun. "Mam abu kobuonokin kanuka aisumunet naka Edeke, kamamus aiyuun. Aitepeg airwananar, mam abu kobuonokin kanuka aisumunet naka Edeke, komam apod nukajaasi. Naarai ngesi-abu ngesi kimarak Edeke kwape loepedori aswam idiobore kere yen abala Ngesi abuni aswam."

Aso, aibo ejaasi idwe luka Aburaam atupuruc na? Yes ikejaanakinak luikuriaka, ikuriaka yesi, nuka emugati kus ka akipi, korot, arai kinyeis yesi Babulon ngin. Aibo ejai aiyuunikus? Daudi abala, "Arai kolo eong ikoku, konye kwana amojong eong. Mam eong aanyunitor ikadolitok ejalakinitai, arai da AuriKe ilipilipitoi inyamat." Sirikikurianar. Kosalite irai yenimunot mama ejai Kristo.

90 Konye amamus aiyuun ikamuni airwananar. Ngun kes nuabu ngin kiswama. Kwana idumutu yesi ngin? Amamus aiyuun emuno airwananar, iboro lukapaaran naka tinen kwana. Aiyuun iswamai mam ngun nepecep da.

Aiyuun eseseni Akirok. Konye aiyuun esipokin alopet Atiiba namam ijangijanga, Akirok naka Edeke naka Ikar Kere. Amen. Mam aiyuun eseseni airwananar. Mam eong apodo arai etia ai jo ipedori aitodiar ebe ti ngin ejokuna adepar. Arai ketema Akirok ebe "mam," iyenguni aiyuun kanen. Nen nges aibois nakalaunan na aiyengunitor aiyuun.

91 Akoto eong aingit jo Lutheran, atupuruc na, yes Baptists, kosodi jo Catholic, ka jo da, ibore kere yen irai jo, yes itunga lukidiinin airimor akwap kere. Ikwaikini ai jo ipedori aibwaikin akoniyyuun odiinikon, korai ngol loitepegit Akirok? Epone bo kaiyuun kani ijaatar jo? Ijaatar jo kapedor naka airwananar, kwabo mere aiyuun. "Ebuni aiyuun kanuka aiirar," aiirar aurianet naka aimorimorun? Ipedori tope jo ti...Abala, ipedori katicepak jo adumun ngun kotoma Old Ladies Birthday Almanac, konye mam cut jo idumuni kotoma Akirok naka Edeke.

92 "Ebuni aiyuun kanuka aiirar, ido aiirar kanuka Akirok naka Edeke." Amen. Kolimok eong ebe epedori etunganan ediopet einer ibore kere yentegelikina kede Ngin, ido kobala erai ngin Akirok naka Edeke. Kwabo, "Akuj ka akwap edaunos, konye Akirok ngin mam cut."

Edumuni aiyuun Akirok ngin erai nges aiboisike nakalaunan nakibworaret. Iwotokini cut kuju naka

Atiiba ngin naka Ikar Kere, Kristo Yesu, Akirot, kosodi aper ka aibworar da kanen. Kinyei ikwamin kirurumata. Kinyei iwolobwosio kijangijangata. Eyuara ngin, duc ikar kere. Ibworarit akesa ya kanen cut kAkirot kangin. Erai kanen nges ibworaritor aiyuun, aiyuun nakotenan naka Ikristayot. Aibois naka Aibworar nges Akirot, naarai ejeni ebe ebuni duc Edeke asalit itodiara Elopel kwape loepol, aitelekaarit idio kere kotoma kalukasurupoKe. Mam ace arai etakani ngin erono biai, ido epone enyoin abunio lokasurup alomun, ido epone loesubitor bala etelekaar jo, esalit aiyuun ejeni kopekwangin.

93 Kwana, mama ijaasi yesi itunga luidekasi, oo, epone loakotor eong nu kolomasi ejok cut! Naikamunia jo aiyuun ngin, ebe ebeit jo aitangaleunio; kangoli-kangolijautene kere, kanginibore ice kere, aanyuneta kere, aitodianareta kere epedorete adodit ebe iuta jo atwanare, mam cut jo ijangakin! Aiboisike naka aibworar ejai toma alaunit naka Akirot naka Edeke, na ebunio aiyuun, aiyuun nakabeit iboikin alopel nen. Mere kereka kwana aituput bala iyuunit; aiyuun. Mere amun; konye aiyuun. Amuno ejai kinga lailo, emuno ebe arai kejai ngesi toma. Aiyuun edaunit sek ajaut toma, eseseni kinga, ido kobala, "Adaunos ngun." Teijo? Ngin nges aiyuun. Nen nges neyangaria aiyuun aiboisike naka aibworar, naarai ejeni ebe mam cut Edeke, mam cut ecamuni lokasurup ailany Ngesi aitelekaar. Mam cut iswamaunitor ngun. Ejeni aiyuun ngun, aso, komam apod ebe etakani ibore biai.

Ajeni Noa ebe abuni ataker ngin aikaleletoi. Teijo? Cuticut abu kiswama.

Ajeni Daniel ebe apedori Edeke aitubutaar akitukes nuka ingatunyo

Ajenete idwe luka Iburanian ngul ebe apedori Edeke airebokin akim.

94 Ajeni Yesu ebe abuni Edeke aitajarun Ngesi bobo, naarai abala Akirot, "Mam enyeini eKetau kOkatwak, karaida aijaikin LokalaunaniKa aibos." Ajeni Ngesi ebe egeun aibos kotoma osawan akaisakanyikaarei-kiarei. Abala Ngesi, "Kotoma apaarasia auni ajaruni bobo Eong." Teijo? Abu koyanga aiboisike nakibworaret naka Ikar Kere kotoma aibois nakalaunan naka Akirot naka Edeke, ido nen nges abu kobwoia.

95 Airwananar etami nuepedori kere ajenun, "Eebo, eiswamae lo nges ebuni aswam ejok itia. Na nges ya." Esubit bala ejok naarai itei jo kaomisio nuka acobeu. Ipedori jo aitigogong airwananar.

Konye mam jo ipedori aitigogong aiyuun. Naarai, arai kipedo jo aitigogong nges, mam bobo ngin eroko erai aiyuun. Konye aiyuun ejeni bon Akirot ka aisumunet, ido itei ibore ngin yenimam jo iseseni. "Aiyuun nges apetetait naka akiro nuemunoi, aitogogonget naka akiro numam eanyuna." Mam jo ipedori airwananar. Mam eong apedori aitogogong epone lo elosere ngun aswam. Mam eong ajeni ngun, konye eyuunit eong ngun. Ajeni eong ebe ikote ngun nen, naarai Edeke abala nen. Kodaunos ngun.

Erai kanukangun nges ajenia ebe edolitos Nu. Ajeni eong ebe edolit Akirot. Ajeni eong edolit Aisiiraret, naarai ejai ngin toma Akirot. Ido aseseni eong Edeke lokajaran elosi kotomake, aitogogongit. Kirai oni lukijai anyoun ace, cuticut nukabeit.

96 Karaida ber atwanare alopel mam epedori aijangakin aiyuun. Ebwoenenete ikiliok cut kotoma atwanare, kotoma...cut aitereikin katwanare, ido kiworoete aipikor naka ajarun. Paul, "O atwanare, aibo ejai ekonitidot? Atwanare aibo ejai akoniipikor?" Teijo? "Naarai abu Kristo kojaru, ido ngul luejaas toma Kristo eupunos ka Nges kapak naka AbunoreKe." Iany? Mam ngun ijulakinos. Eeba.

Aiyuun itarauni Akirot naka Edeke aiboisike nakalaunan naka aibworar keng naka Ikar Kere. Eperi kotoma Akirot naka Edeke. Koany, bobo.

97 Kwana, kijaar bon kapak naedit aiyatakinia, bala adakikan akaisaarei-kikany, arai yesi-arai mam yesi ipodosi. [Ebalatukot, "Amen."-Ekewa.] Eong-eong akoto eong aiyatakin ateepeu na, apak edit.

Koany ekabaka ngol, ekabaka ngol lokitetet lo anyouni, lomam ajeni Yosep. Anyoin aswamuke nasodit, kanu amudiarua agogong naka Isirael? Kerai kede ikecedwe. Ngin erai abeit? [Ebalatukot, "Amen."-Ekewa.] Abu kotam amudiaar ikecedwe. Kwana kopupok ejok. Ajokit ngipengin kotoma aput ace naka ekabakane, abu kotam amudiaar Okoku loka Edeke loteluna. Teijo? "Amudiaar idwe, ber, eringa kes kegeuna." Erai ajokit naecobe neteni, ikwenyit yen ecobe. Ejeni epone lokinomet ibore eringa nges kegeuna. Ejeni ngesi ngun. Teijo?

Ido ibore bon yen ipedori jo aswam, kanu aitelekaar ngesi, nges amunokin Kristo, kosodi aitasionikin ka aosikin da Ngol kingarenik jo. Teijo? Mam jo ipedori aswam ngun kopone ecie. Apedorosiokon nuka acobeu mam cut epedorete aswam ngun. Iburai jo aiyuun ngun. Bonibon komunokin Ngol. Ngesi nges Ekecokon. Mam erai nuikamunitos amerekekin nuka airenget epeet awai. Erai ngin aswam naka ekecokon. Konye ibusakinit amerekekin asalakinit neejai ekecokon, tetere esalitos eyuara. Nen nges arii kang naka ayuara, ejai toma Kristo; ido Kristo nges Akirot. Ngin nges arii naka ayuara.

98 Koany. Ajokit kotoma aput naka-naka Rameses, ekabaka, ibore yenisodit abu ngesi kiswama nges alemar ber idwe, kede atwanare naka akuan. Ido atipet ngipengin nakeuruunere Okoku loka Edeke...kebu

ekesa je konyou ko Misiri, naarai abu Edeke komudia Misiri, abu kiken nges. Mam cut ebongokinitor, ageun. Kapak kangin ajai ngesi Rome; abu Satan kijula eke-ekeicolong laiye Rome. Ido ibore yenisodit yen abu Rome kogeu aswam, kanu amudiar ngun kere, kanu adumun, tetere erai loejeni cut; ajokit, kotoma oiswamae ngol loka Rome, abu kotam amudiar (inyo?) Okoku loka Edeke, kanu ageunia ber. Ajokit adiofet ngipengin!

Ido, lolo, eswama ngesi ibore ngipengin, kokwap naka aanyunet naka emoyo kwana, araut yenikediiini, alimorit Eikristayone, ido ayanganar apesur wok adukonokin ka itelepai ngul Itulikin, ido aijaikin ngul aitopoloun ikecedwe koraas luka Catholic, tetere aibil agogong nakowai kaje. Engin kanen ajokit kon. Engin kanen ajokit kon iboie korongan ikanyikaaarei, konapite abokoi nueraas auni kotoma adiofet, korai cut loerurut ido kocobe, kopiiriana bala emun; aur naka emun, ikedwe, itwasamaete icoasinei kwipekwi luka acobeu. Kongolek.

99 Konyet do earete kesi idwe, kotoma apakio kwa nuarei. Earete kesi idwe kede inyo? Irwan nuarei. Kwana kiitutu, kosesen iarei ngul, kosodi konyet iuni. Teijo? Abu ngol koar idwe, kapakio aarei nusodit, kede atwanare nakakuan. Dodo kapak kana nakawasia, euta ngesi adumun idwe ido aiar ngul kede atwanare nakomoyo, edukone, ainyalinyalio-kodukone.

Mam kereka Daniel enerit ibore ngipengin, kotoma ajakanut na naka asuat ka elupe, ebe apote kesi ainyalinyal aur, kanu aitam aibil agogong naka itunga luce kwi? Ido ngun kes nuejaasi kesi aswam, kiton naejaatar kesi kibore ngin kwana. Ejaatar kesi kede e president toma. Kwana, ibore yenetupakini yen ibusakinit jo aswam erai aitolomikin-erai aitolomikin e cardinal toma. Aitolomikin ekabinet kere toma, dobodo konyet inyo ilosi jo aswam?

100 etupakini kesi aswam, elemunete kesi ikecesirigin kosodete aitac apesen kere naka United States, ido ilipunete ngul kama ka ekanisa, kanen do kogwelete yes. Eebo. Kwana, kirai oni-kirai oni lukijari lolo, aitac ibanyai wok luka acekwapin kalaije, kede isirigin luka esolo lomam eponio aitac aitodol naetuborotor ikar akaisaongon. Emamete oni icesirigin bobo. Konye ejaatar ekanisa. Mam kereka Ebaibuli inerit ebe, "Arai ngin naesiritai kede esabu"? Ido, oo, ikatuan! Konye yesi...

Epone ngol nges iswama ngin, adukonokin ka apesur kus, apesur adukonokin ka itelepai kus, aitopoloun ikusidwe koraas luka Catholic, becebec, aiar kesi kede atwanare nakomoyo. Mam kereka Ebaibuli enerit, ebe, "Abuni acakakin ngin toma ojamu loka iboro lukakwapin, kosodi aiar ikedwe kede atwanare nakomoyo"? Apukokinio 17. Teijo?

Erai duc Akivot. Mam eong apodo arai ai ilosi jo, esalit erai Akivot. Ibusakinit kibecokin cut toma apoto. Arai mam, mam do ngin erai Akivot, mam ngin erai Akivot. Kemam jo ipedori aijaikin ngin alosit erot kere kotoma Obaibuli, apolouke ibiroro do ngin.

101 Kongolek. Kotoma apak kana, ajai Edeke euta aitutuor ebulesitiKe kanuka aswamuke. Aitutuor ngol, kanemam kesi aseseniata, kinga naka aitemonokineta kec, ainapeta kec. Ijaasi yesi aikamun ngun? Kokinga naka eiswamae loka iriongeta kec, ajai Edeke aitutuor etunganan kanuka alosikinetKe. Abu cut kojalak ngol elosi akonye. Ajalakin ngol adukokin, kosodete ajaun kakeberu ka idwe, ikoku Geresom. Ajari ngol ajar najokan noi, asirerengit ngol kokinga kangina. Konye, apak kere, ajai Ngesi aisikapin ngol, aitutuor ngol.

102 Edeke ka lokasurupiKe apotu kiswamata, kotoma akuan kapak kangin, kopone cut lope ejaatar Edeke ka lokasurupiKe iswamaete komoyo kwana. Apotu koarata ngul katwanare nakakuan; kwana erai kede atwanare nakomoyo. Teijo? Ajai Edeke aisikapikin etunganan lokakuan, enabi Keng, kanu alosit toma Misiri. Kwabo ajai Satan aisikapikin Rameses (inyo?) kanu aaraar, arai aimorikikin Imisirian kere ka Iburanian da nepepe, aijaikin ngul asalit aijaanakin kesi.

Erai kanuka ngun nges etionior noi aomisio airwananar aitepeg eiswamae loka aisia loepedorit aitogogong adeseikinetake. Teijo? Erai ngin nakabeit. Aomisioke duc elosete toma aisia. Nukacobeu ka aomisio nukairwananar mam da ber eanyunete Ngin.

103 Ipotu yesi kosesenoto Ten Commandments luka Cecil DeMille? Aomit luipu kayesi esesenitos. Mam eong eyuunit nuka alosit aite isineman, iboro lu kere. Konye esinyikoikinit eong ekanisa, ebe idiotunganan yen, arai emameotor kesi kibore ice kilema ngol, luekotosi asesin ngol, mam ibore erono arai ekotosi kesi asesin ngol, naarai, mam eong tikacamak...Nasodit apotu ice koinacanaka kolototo. Apotu kesi kopotu, alimokin eong. Adaunit eong apak naeoj noi mam eririarit edio kangul. Kawasia do abu eong kalot kwap ne, najaar itodiario kane ko drive-in. Abu eong kasesin nges. Abu eong kaanyu ibore yenikerai ngesi. Kosodi konyet eong alimokin ekanisa, "Arai ikotosi yesi alosit asesin ngol, mam ace." Engobongol kejai nen. Arai lokiminakit, loetemelel.

104 Epone loabu acoa ngin naka ajokit, epone lo acobear ngol kanen, epone loabu ngesi-ngesi kiwotokinio toma nen aiar idwe ngul. Ido epone loapotu aomisio nuka acobeu kikamuniata ngun kosodete da aiyuun ngun, naarai apedorete kesi aanyun ngun! Arai ibore yen kairwananar naejok. Oo, epone

loajaar Edeke, apak kere, aitutuor enabi lo! Ido epone loajaar Misiri euta aitutuor, kotoma politics, Rameses lo, kanu aikamar! Konye do kodoluni elagano ngol loepol, kapaaran adiopet, kiding apedor naka acoa ka nakomoyo. Kosodi Rameses, kede ikedekesio kere, ajai eboi kokinga kangina ido kojai abukokin akipi toma, a-a kanu aisirereng edeke loka Nile. Abu Edeke kinom ngesi, ido apotu aokot kolomutu kotomake. Ajaatar ngesi...Oo, a-aomit eong bala ainom, teijo, kanu aanyun nuapotu kotakanutu. Oo!

105 Kwana kosesen. Lukacobeu eraas duc luelomarete toma airwanananr. Ido mam epedori aanyun ewai lokomoyo, naarai erai acobeu. Oo, mam apotu kopedosi kapak acie da! Mam epedorete aanyun ngun kwana.

Mam kesi apotu kopedosi aanyun ngun kapaarasia nuka Eliya. Biai tikepedoria enabi lo ediopet emojong loipurodongit-ereet...

Edeke kitim eong kanu alimun ibore kwa kangin. Konye e-e aidiak-aiswama...Ido ejeni Edeke ebe atamit eong aiswamaun-aitaraun ngun ibore yen esil noi kwape apedoria, tetere yes ipedorete aanyun e-Emoyo loka Edeke.

Kosubite kwa abalar Paul, "Mam abu kabu mamakus kakiro nuijodijodete ka acoa, naarai ti aomisiokus kikaleleoros atupaar acoa. Konye abunit eong kede apedor naka Emoyo Lokalaunan, tetere akus-akus-akus-amunokus ka amunokina iyengunit, mere kotoma acoa naka etunganan, dimarai kotoma agogong naka ajarun naka Yesu Kristo."

106 Ngun nges ijaikinitos eong etisilit na noi, kanuka anyara enabi lokapolon, loayongit Edeke, ebe "loipurodongit ereet." Naarai, acepak kerai ngesi ibore yen-yen asil-aite, aibwo, kidunyasi ka esasedoti loenapit-ejok, kwabo kobala ebe erai ngesi etunganan loka Edeke.

Kongolek jo ngol. Kipedori jo asesen alaunit naka esasedoti kangol, kotoma aomisio nuka acobeu. Kipedori jo aanyun anapito naka akou kakouke, ka naebelokinitai...kede epod eperi katorobuke kane. Kipedori jo asesen akinyet nakinyonyoa, nakakuan, kopenekike, elelei kwap toni atokito nuka egoeke. Kipedori jo asesen akimian enokiete, ka asuban kere kotoma ainapetai. Aso kwana, ngun kes netikelototo aomisio nuka akuan toma.

Ngun kes etamitos kesi aswam lolo, akongu, erute lo elomarere toma otau. Konye, iseseni jo, akongu nakomoyo kokau ktoma akongu kangin!

Apotu kesi kosesenoto etunganan lo emojong loketani-ipurodongit ebwoi kanen, ejaas ajul atorobuke; ido korwaite emukule loepol loka amerekek, loka emukule, awenet kangabeteke, kede, acepak mam anapit amuk, akanin akojo bon nuarapit emukule, kodolidali akiring kwap kopone kalo; kosodi epenek loekwang kiak, erapiarit ereeteke kere; ido kojai ebela lomagul akanike, ebwoi kanen. Konye akongu nakomoyo apedori asesen apedor naka Edeke elosi kokinga kanen, naarai acamanara cuticut ka Akirot. Mere ngun nuaseseni acobeu; nuseseni akongu nakomoyo!

107 Ido a-a akongu nakakuan, lolo, eseseni ekanisa naelai kodukuk ejok, aimor nepepe ka emeya loka eibuga, arai-arai anyoika-ace, kotoma orionget loka idiinin kalu. Kwabo komeni kes aanyun apedor naka Emoyo Lokalaunan, naepedoria aitajarun lukatwak ka aitangale lukadekak. Ido-ido-ido biai...Teijo? Kesi-kesi iteete, ido esesenete Hollywood, ido iteete itunga lukorot.

Angor, lolo, eomoomoete, "Eebo, aberu na, Susie, erai naka ekanisa. Engerarit ngesi iketim. Enapit da e make-up. Nginitunganan kere kotaun emina ngesi."

Abuonokin eong nuka Akuj? Teijo? Kwabo erai ngin naitepegit Akirot, mam Edeke epedori acamun ngin. Ngesi-eraun bodo Ngesi loecamuni asurokin Elopel bon. Ti Ngesi kerau loegirit AkirotoKe Obe. Ido ibusakinit kojenuai ngun, mam cut Edeke ebuni aswam ngun, karaida kedaunos akuj ka akwap. Aberu naengerarit itimake erai ekenit, kotoma akonye nuka Edeke, arai aberu naenapakini anapito naka ekiliokit. Ianyu? Akongu nakomoyo ikamuni Ngun; ejarete kesi kanuka nupote Ekaulo konyet. Aomisio nuka akuan ejarete airwananar iboro lukakuan luka apaaran.

108 Koany kwana, Edeke iswamai nu, kwabo mam itunga apotu kojenuai ngun. Aomisio nukakuan aupasi kede airwananar. Enyarit kwana Edeke anyoun nakomoyo. Neabu Ngesi konyaraunia anyoun nakakuan kanuka iKetunga, enyaraunit lolo Ngesi anyoun nakomoyo, mama (Ike inyo?) ejaasi luseunaKe, bonibon mama ejaas LuseunaKe.

109 Kwana, mam Misiri apedori aanyun Isirael eraas luedolito, karaida aokot nuka imerekek kokek ka epir loka acunetai, ka iboro ngul luajaas iswamasi.

Ido Edeke kokwap kangina, elosi kotoma onabi lo, ka acamun da akirot naka etunganan. Acamakin ngol aibwo kanen, kosodi alemun e-e ebela loecogeo, kosodi adodiar kide, ido kobala, "Kojaunos icuc, ido kibwaasi kOmisirian." Kolosi abongor kau ngina.

Ido kobala nginitunganan kere ebe, "Emamei ibore abu kotakanu. Emamei ibore abu kotakanu."

Konye ipak idio bon, ecucut loliba emojong ibusakinit ageun airimirim nen. Akaulo apak naedit, keraasi ngul acepak ilatirin iarei kanginilalau ka aojau naka eyadi, abu etunganan ngol kiner isuban kiton ajaun.

Elo kane Rameses lokacobeu ebwoi kangina, lo asurwokinit; etunganan lokediini noi, ido kosurwokinite Emoyo loka Edeke lokajaran. Ido aomisio nukakuan apedorete bon asesen Rameses. Konye aomisio nukomoyo apotu koanyut aisumunet, kosodete asesen ngin euta ailelebikin.

110 Eebo, arai apotu Yosua ka Kaleb kopedosi anyara Amalekites ngul ka Hivites, ka Jebusites, kwape bala mam ajaasi nen, konye ca koraas irwan aarei, arai auni arai aongon ipakirros kitiriani kakesi. Ido aomit nakakuan, ko Kadash-barnea, na alosioto ikarotak adokar laingol, abalasi, "Aa, mam oni kipedori aswam ngun. Oni...Eraasi kesi-ipu kesi noi. Eebo, kisubit isio bala -kirai isio bala ibeerei, kitiriani kakes."

Konye Kaleb ka Yosua apotu koanyutu aisumunet naka Edeke, kobalasi, "Kipedori cut oni aswam ngun." Kanukinyo? Asesenete kesi, "Abala Edeke ebe, 'Ainak Eong yes akwap ngin.'" Teijo? Aomisio nukakuan mam edumunete ngin. Aomisio nukomoyo elemunete ngin aikeun kuju.

111 Ido kanukinyo? Akoto eong aingit yesi ibore. Kanukinyo mam Imisirian apotu koanyuniata iboro lu? Naarai mam aseunitai kes. Abu Edeke kolimokinite Aburaam eringa ngun ketakanuna. Kodumu ngin jo ekanisa na ijotoi! Abu Edeke kolimok Aburaam eringa ngun ketakanuna. "Ebuni aurikon araun apejonon kotoma-kotoma Misiri, adaun ikar akwataongon, ido abuni Eong aitolomun kesi kinga." Erai kanuka ngun nges kepedoriata kesi aanyun ngun, naarai keseunitai kesi aanyun ngun. Eraasi kesi luseuna. Aponi Isirael koseunai aanyun aanyunet naka Edeke, ido apotu kesi kolomutu kinga koMisiri ne aponiata lumam kiyuunitos komudiarotor.

Ido, lolo, ejai Edeke enyarit LuseunaKe, Aur naka Aburaam nakomoyo, kanuka aiyun ngin nakejaatar ngesi kotoma Akirot naka Edeke. Mam kereka yes isesenete Aur ngin nakomoyo lolo? [Ebalatukot, "Amen."-Ekewa.] Namam eseseni ekanisa naka acobeu. Eseseni ngesi Akirot. Ido ejakai anyaraun ngin kama ka idiinin ngul lukapolok, alomar toma Ajakut naka Yesu Kristo. Amen. Ngin arai na acae? Ipotu yesi kodumutu ngin? ["Amen."] Mam ace. Kilosi oni aiyatakin iingaren. Luseuna, bon!

Doctor D.L.Ph., mam cut eanyunete Ngin. Mam kes aseunitai.

112 Ido, kiitutu, aseunio na, ejai abunore kwana, mam cut erai alosit akwap ace, erai alosit toma aibuses, ne ejaasi ikiroria kec iwadikatai Oitabo loka Imerekek loka Aijar. Mere kokwap naka imerekek yii itiang yenididi, yenikakuan, yen etolomuni Isirael kinga, ebe apedorete ngul abongor kau kanen kosodete abongor. Konye, mam na epedori. Erai na kokwap naka Aokot nuka Imerekek yenika Edeke yen aponi koarai eringa apetetai naka akwapin. Ido ejaas ngul toma nen, eseunitai. Ido na imiliaunia Aica ngin kokujukec, kopone kangol, arwatatin ngun nuka idiinin ibiroros kamakec, ido ne epote kesi. "Kolomutu kamakec," nges abala Emoyo Lokalaunan kotoma apaarasia nu nukawasia. "Sirikitirosi iborokec lumam elaete. Araun Eong Edeke mamakus; koraunos yesi odwe ka adwe mamaKang." Kwana, koany.

113 Ajai Isirael eseseni. Ajenete kesi ebe Edeke iswamanaros kede inabin Keng. Kesi...abuni Akirot mama kec, ido apote kesi aanyun Ngin.

Kosodi kwana aanyunet naka acobeu, kiseseni oni ngin kwana, ebe iyuunitosi kesi iriongeta kec. Eroko kesi esalitos toma aiyuneta kec. Konye ca kes...

Kwape cut ajaar Balaam, loabu kodoka kuju orongat, neajai Isirael. Isirael ngin kejai nen, mere ateker, keraasi bon itunga luelokidaete airim, ido keraas lukitelekarkitos akiro. Ido Moab, onaceke, lokecobe, etunganan loka ainapeta, abu kodoku kuju orongat, kede e bishop arai enabi lokejaatar kesi, kosodete aiduk elutari, ka ainakin da asubanit na eputo. Konye abu kokurwok aanyun Epir loka Akim ka atiiba ngin naenomitai ko Isirael.

Kwapekwangin ejaatar lolo. Aomisio nukacobeu asesenete lukapolok ngul ebwoete kanen. Ekurwokini kes aanyun Atiiba naenomitai. Karaida e bishop, elopet, abu kokurwok aanyun apedor naka Emoyo Lokalaunan, aiworo naka Ekabaka kotoma oidukurun. Ekurwokini ngul aanyun ngin.

114 Aso, epone ngol ejaar bobo lolo. Ejai Edeke enyarit itungaKe luseuna, ido adaun kesi aseun kwana. Dobodo kwana eseunitai kesi kanuka inyo? Kanuka ajarun. Ido epone bo kaanyunet ani ejai Ngesi aitodikin ngul? Aanyunet naka ajarun.

Kerai bo inyo ajai Ngesi aitodikin ngul kapak kangin? Aanyunet naka alakunio, alakun kesi kotoma obulesene, aanyunet naka apedor naapedori agolokin akuj arai napedori aitumuton idouon.

Ido kereka kwana ejai Ngesi aitodiaar apedor naka ajarun naka OkokuKe ejari kokidingikec, aitajarun kes kama ka ates na ka eliibo lokijai oni toma, alosit alomar toma akwap naabu Ngesi kisumun oni. Aanyunet naka ajarun, anyaraunio kinga ko Misiri nakomoyo ka Babulon lokomoyo, kojeni...

115 Mere eong kalimu motimot kwana, tetere yesi ikamunete ngin. Aiswama ngun kede eiswamae jepeje loabu Ngesi kitwasam kotoma ageunet, ibore ngipengin ejai Ngesi aswam. Aitumudukan akonye nuka

yenimam iyuunit; aitiekenyun akonye nuka ikeyuunan. Ido koany politics iswamaete ngun kowai loka luecobe, politics ka ekanisa, politics ka atekerin, nginibore kere; kwabo ewai loce je ibwaitai aingadaar awai kamakec, alosikinet nakomoyo.

116 Abu Edeke koyanga etunganan ediopet kotoma amoding, kituutuo ngol cut. Ido abu kinyaku ngol, kosodi aikamar ibore ngin, ka aitolomun da itunga kinga. Ianyutu yesi nuabala eong? Mam Ngesi epedori aijulakin epuroguram Keng. Erai Ngesi Edeke. Mam cut Ngesi epote aiswamanar kede egurupu. Mam cut iiritor. Iswamanaros Ngesi kede idiopet; ido abu Ngesi kiswama, ido ebuni aswam. Abu Ngesi kisumun, da kotoma Malaki 4, abuni Ngesi aswam ngun. Erai ngin nakabeit. Aso, ejai aisumunet, ibore yenikerai Ngesi; aisumun ngun nuabala Ngesi ebe abuni aswam, aso konyet oni kane. Itunga bo inyoika, luyialamasi, ibusakinit oni araut; aijaikin ngul aanyunet ngin, kanuka aanyunet na isumunit AkirotoKe, Akiroto na isumunitai. Abu Ngesi kisumun ebe abuni aswam ngun. Ido ngul... "Ebuni ainyakain aiyuun naka itunga, itauon luka itunga, mam ejai aiyuun nageunet naka lukapapa luka pentekosit." Abu Ngesi kisumun ebe abuni aswam ngun, aitodiar aanyunetaKe.

"Kwape kolo kotoma apaarasia nuka Sodom, kwape kwangin ejaunotor kAbunore naka Okoku loka etunganan." Epone bo kaanyunet anyoin apotu ikanisan koanyutu ko Sodom? Inyobo abu ekanisa lokacobeu koany? Ikalimonokinak iarei. Inyobo abu Ekanisa lokomoyo, luseuna, Aburaam ka egurupu keng? Apotu koanyutu Edeke itodiar kotoma akuan naka akiring, naka akiring naka itunganan, na apedori amiisikin emoyo ka alimun da ngun nuenera Sara kokauKeng. "Kwape kejaar kotoma apaarasia nuka Lot, kwape kwangin ejaunotor kotoma Abunore naka Okoku loka etunganan." Kiseseni oni Emoyo Lokalaunan kokiding wok, iswamai ibore ngipengin, iswamai kotoma akuan naka itunganan. Lo nges esawa ngol. Teijo? Kijai cut oni ne, ipapero. Kesi ngun bon. Ejai anyoun elosi akonye.

117 Konye kwana koany, abu Ngesi kiswama ngun kapak kangin kede kinyo? Koany, ido konapakis aomoom kus nakomoyo. Elipit bon ebe kiperik Emoyo Lokalaunan arapet ngin namojong naka aitapalaunit kwana, ido kosesen ejok. Arai keseu Edeke aswam ibore idio kere, kopone ediopet, mam cut Ngesi ijulakini ngol.

Kotoma omanikor loka Eden, na aktor Ngesi alakun etunganan ainyakun toma oidicane, abu Ngesi kiswama aseunet: kerai aokot. Apotu kesi kotamata aisisianakinio, atamata kesi ediini, atamata aitarau nukateker, ka nginibore ice kere, ido mam cut iswamai. Ejai aibois adiopet bon na duc epote Edeke airiamununor kede etunganan, nges kwap naka aokot nu ebukoritai, bala kwape kotoma Eden. Mam cut ngin ijulakintai. Ngin nges aibois na abu Edeke kiriamununotor, kotoma apaarasia nuka Yob, kerai kokwap naka imerekek yenikasubanit. Ngin bon nges aibois erimununotor kotoma apaarasia nuka Isirael, kwap naka imerekek yenikasubanit; kopone loabu kiswama kotoma omanikor loka Eden, kwap naka imerekek yenikasubanit.

Aibois bon nairiamunotor Ngesi lolo, mam erai kotoma odiinin; engunganara ngul ido engolopasi bonik ka bonik. Mere kotoma araut yenikekanisa; eroko kesi iswamaete ibore ngipengin. Mere kotoma nukacobeu; eraasi kesi luetolitolunos cut. Konye kokwap naka Aokot nuka Imerekek, epedori nginikeyuunan kere airiamun ka eidicane, neejai Aijar ngin.

118 Abu Edeke koseu, kotoma apaarasia nuka anyoun, abu konyarau kinga egurupu. Ido kotoma ogurupu kangol, akoto eong yes koanyutu ibore, abu bon Ngesi kodum iarei luapotu kolototo akwap nakaisumunet. Inyo kereka abu Ngesi koseu aitwasam kanu aitolomunia kes kinga? Politics? Erionget? Abu koseu enabi, kede aanyunet nakapedor nakomoyo naka Epir loka Akim, tetere ebe kinyeis itunga araun luibucaritos. Nu abala enabi araas Abeit. Ido abu Edeke kobu kwap, kotoma Opir loka Akim, kosodi Elopit aitodiar, aitodiar AkirotoKe. Ngin erai abeit? [Ebala atukot, "Amen."-Ekewa.] Ngun nges abu Ngesi koyangau, anyoun Keng nasodit. Anyoun Keng nakiareit...

Edeke duc elosenenei kotoma ounieta. Erai Ngesi loitodolinikin kotoma ounieta. Yesi kere ianyunitis alimonokin kang, erai duc iunieta ka ikanyeta kaluaarei. Uh-huh. Ikany kaarei erai nges "angetakin." Iunieta erai nges "aitekooro" Keng. Nasodit, Nakiareit, ka Airiunet Nakiuniet. Ido, oo, kere, kanginibore. Teijo? Aitojokio, aitalaunio, aibatisao naka Emoyo Lokalaunan. Papa, Okoku, Lokalaunan Emo-...Kanginibore! Teijo? Koany.

119 Inyo bo abu Ngesi kiswama, kanyoun nasodit? Abu kiyakia enabi, lo enyonyoikinitai kede Epir loka Akim, kosodi Ngesi anyaraun itunga kinga. Ngin nges anyoun Keng nasodit.

Ido nakedaunor apak naka Isirael, abu kiyakia bobo, Enabi lokerai-Edeke, nepepe kEpir loka Akim. Abu Yokana koany Ngol ijusun kotoma Akuj bala ajele. Ido abala Ngesi, "Alosi mama kEdeke ido abongori mama kEdeke."

Akaulo naka atwanare Keng, aidaio ka ajarun; abu Saul loka Tarsus, korotoke alosit Damasiko, koany Epir loka Akim ngopengol. Ido ngesi kwape keraar Eyudayat, lokisisianakinitai ejok kotoma Akiroto, abu kotema atiar, "Ejakait, Ingai bo Ijo?" Ajeni ngesi ebe kerai ngol Ejakait, Epir ngol loka Akim. Arai nges Eburaniat. Kobala, "Ingai bo Ijo?"

Ido abu kotema atiar, "Arai Eong Yesu."

120 Anyoun nakiareit, abu Ngesi koyangau Enabi, lokinyonyoikinitai, lo arai OkokuKe, Edeke-Enabi. Abala Musa ebe abuni Ngol araut Enabi; ido ajaatar ka Epir loka Akim, ido abu kiswama aanyuneta ka nukaukokin. Ido Enabi ngopengol abala, ebe "Ngin yeniyuuni Eong, iswamai ngesida aswamisio nu eswamai Eong."

Ido kane abu Ngesi kisumun ibore ngipengin kotoma anyoun kotoma apaarasia nukawasia, ido mam Ngesi epedori aijulakin ngun. Ido kanuka aitogogonget naka sayanis, kanuka aitejenunet naka Emoyo Lokalaunan, kanuka aswamisio nuka Emoyo Lokalaunan, kiseseni oni ngun lolo, Epir lokapolon ngol loka Akim elosi kokidingiwok; kosodi aanyuneta ka aumokinet nuka ajarun naka Yesu Kristo, enyarit itunga anyoun koidiinione, alomar toma Ajakut naka Yesu Kristo, kanu ajar, alosit toma akwap. Emamei aibucaret kanen, ipapero. Mam erai nuenera eong; arai bon eong onacekus. Konye erai nuejai Edeke aitigogongikin yes kwape nukabeit, nges einakinit ngun eraas Abeit. Epir loka Akim jepeje loabu Ngesi kitwasam kanuka akwa aarei, ayangau Ngesi ngol akidingos kus lolo, kosodi aitigogong Ngun kanuka acoa naka sayanis. Kwape ijenyata yesi, ajai Ngin toma apapula naka Life magazine kolap loatubor, kalaingol. Ne...

121 Imwasi ai ajaasi ne kosodete apupun eong enera ngun, nuapotu kiswamaunos, eringa ngin kiswamauna ngun? Aomit eong, nginitunganan kotoma okanisa.

Engin kanen. Mam ngul ejenete arai inyo ngin; etamitos luka sayanis. Idiotunganan yenabu kodum aputo naka Ngin, abu kinomu esimu, "Edou, amairon akaisaarei-kikanykape kuju, kotoma aputo naka apiramid. "Imalaikan ikanyaarei ebwoikinitos kotoma kanen, apotu kinyakutu ka ainun da yes Akirot naka Edeke, kokwap naka aiyengakinio. Elimokinit yes isawan luidolokisi yesi ido luijarete yesi kotoma. Aomisio nukomoyo epote aidepun ngun kopekwana, teijo, kosodete adumun ngun. Erai anyoun. Ebeit oni anyoun alosit, kadiopet kotoma apaarasia nu. Kimalai Edeke. Kiiunito.

Ido abuni eong agolokin, apak edit ber mot. Kijaar eong ka adakikan atomon.

122 Koany Epir loka Akim ngol loabu kitolom kesi kinga, abu kingarenik kesi toma akwap naka aisumunet, kokwap naka ainyonyoikinio naka enabi. Epir loka Akim lo apedorete kesi asesen, abu kingarenik kesi toma akwap naka aisumunet, kokwap naka enabi lo enyonyoikinitai. Ido apotu kesi kongeronokinete ngol kopekwangin bobo ido bobo da. Ngun eraas nukabeit? [Ebalata tukot, "Amen."-Ekewa.] Cutibo.

Kwana ajeni eong ebe ebeit oni ajaun kede aijaanakin naka aibatis. Kijaar eong kede apapulai bala akanyikape ace kane, aomit eong. Konye alosi kwana apalar kwana, kotoma apak naedit.

Kosesen ngin. Kijai oni toma anyaraunio-kinga. "'Kolomutu kinga ko Babulon, iKatunga,' abala eporoto loka emalaika." Kinga naka inyo? Aitolitoluno. Erai e Methodist loedolit, araibo e Baptist, araibo e Catholic? "Kolomutu kinga kotoma kanen." Edeke nges edolit. Kijenuni bo jo biai? "Koraun akirot naka ngolitunganan aingal, ido naKang nges Abeit. Kolomutu kinga kama kangin." Inyo bo ijeni jo? Epir loka Akim jepeje, Emoyo jepeje lokenyonyoikinan, ingarenikinit alosit toma akwap naka aisumunet.

Koany, abu kingarenik kes, koyangau kes kinga, kingarenik kesi toma akwap naka aisumunet; Isiraël, ateker ngin.

123 Ido Edeke ngopengol, Epir loka Akim ngopengol! Nges bon..."Ebalasi ngul ebe...ebe akamera ngin..." Kisiom jo George J. Lacy; mere eong, kereka kwana. Kosiom jo neabu George Lacy kirereo aputo ngin. Lokapolon loka F.B.I., kanuka agirai nuka ibokor ka aiwadikaeta, engin nuabu ngesi kolim. "Ice kakesi ebalasi, 'alabira naka lens nges kengaaritai-irwan aarei acamakin aica adolokin e filim.'" Itomoneta luka ilukumin luka itunga erereoto Ngin, kede akecekonye kikulepek. Kipou isio kabwaata kane kasodete asesen Nges. Isesenoto yesi Ngin. [Ebalata tukot, "Amen."-Ekewa.] Mam nges erai. "Abalasi kesi, 'kerai aingalakineta naka aica.'" Inyobo abu Ejkt. Lacy kotema? "Akongu naacuma naka akamera kana mam epedori ainomar e psychology." Uh-huh. Mam kerai aingalakineta naka aica. Ejai Ngesi nen, Epir loka Akim jepeje.

Bobo da ebalas kesi, "Oo, eebo, karai ngin aingalakineta naka aica."

Kwana kereka, akameran, kere, naarai kotoma akwat nuka amairon ko Tucson!

124 Ilapio ikanyape eringa ngun ketakanuna, kipou isio kalimokis yes, kanuka Emoyo Lokalaunan, abuni eong alosit ngina alemun iyemuto ngul. Naarai, ejai Aiwadikaeta naka apiramid kinga keng, kwape adumunitor onac airujasit, ido abu eong kejulak yes apolou kangin. Ngin nges aijulunet kere. Kwana nukaiyeiyea kere nuka aitojokio, aitalaunio, aibatisao naka Emoyo Lokalaunan, aponi kodaunitete aitetem. Kwana alemunun numam angetanakinitai nuka ngun, nu ebwaitai kotoma Aipuceta Nukanyikaarei, mere ikanisan lukanyikaarei. Aipuceta Nukanyikaarei kes epukorete nukaiyeiyea ngun. Ido abu konyet Ngesi kopuko ibore yen, kokuju cut, kosodi adumun Atiiba kotoma kanen, akwang, konye mam kiwadikatere idiobore mamake. Kerai ngin aiyeiyea.

Kolot Tucson; alimor ngun sek eringa ngun ketakana. Aibwo ko Tucson, ejaasi ikajenak ebwoete kane kede ngin, na abunio airetunet, naabu kitamaran imor, aibuc atiyakinan kwap. Ido kapak kangipekangin, alukumet naka Aica ikaja kalaije kotoma okwam, nakinomariata luka sayanis aputo kwana. "Amairon akaisaarei-kikanyikape kaju," bala irwan akany aojau naepedori elisina arai ibore kere ti ajaut. Ido mam da ber kes epedoritos ajenun inyo abu kismawau ngun.

"Ejaun Aica bala kotoma apak naka atibong. Esokot lo elosi toma Aibuses idumuni jo kaitebeikin," arai keseunitai jo. Edoe icokat ngin alupok nu eokitos, arai angangam, mam Ngin iswamauni idiobore; itauon lueninik, lukamor ngul luekotosi aitapalaunit. Konye arai kedo alupok nukaiyuun, nuipusukukos kononok, ebuni Ngin auruun Ekristayot, lo erae araito nuka Emoyo.

125 Koany epone loabu Edeke ngol kismawa ngun. Kwana ejaatar Ngesi kede Epir loka Akim ngopengol. Lo itodiaritai kwape lokabeit.

Abala icetunganan ebe, "Kanukinyo mam jo ilosio alimokin ngul luka sayanis nuka Ngin?"

Iwomit jo ebe ti tope ngul kiyuutu Ngin? "Sirikicakanak ilulun kon mam ejaas ipegei." Abala Yesu ebe mam. Mam eong kijaar kaingarenikinio aswam ngun, konye ca eboie cut kotaun kangol loejaatar kesi iworoete kanuka ngin. Abu eong kaomite ti alosit. Abu Emoyo Lokalaunan kotema atiar, "Kosalak awai. Mam ngun erai mamakec. Kobongo kosodi alimokin ekanisa." Mam ace.

"Ido ejaun do ebe...arai kitodolikinios nuineritos kesi, aso do, kiitutu, Eong abu kener," ebala Ejakait, "teijo, eringa gun ketakana." Kanen iswamaun ngin. Kopupok Ebaibuli, Eporoto loka Edeke enyarit yes kotoma apaaran kana.

126 Kwana akoto eong yes kojenutu. Epir loka Akim lopelo ejai aingarenikin bobo itunga alosit toma Akwap naka aisumunet, e Millenium. Ne kipou oni kadumutu, kokwap naka aiyengakinet naka Aipucet Nakikanyetekape, mam ngun iiritore aisisianakin sek, epone loibusakinitor aitesegaar akwap kanu e Millenium. Epir loka Akim ejai aingarenikin kes o Millenium.

Ido kosesen Epir loka Akim ngol loengarenikini Isirael anyoun kotoma obulesene, kanyoun kangin; Epir loka Akim ngol, kokwap naka aingarenikinio naka Edeke...Kerai Edeke nges Akim ngin, ido Epir loka Akim ngol arai bon lo enyonyoikinit enabi. Epir ngol loka Akim kerai lokebwoi kwape ekajenan Lokokuju ebe kenyaunitai Musa kinga.

Kiitutu yesi Datan, ngul, abalasi, "Eebo, ibusakinit oni ageun erionget edio. Musa, idakakina jo nuipu elopet bon. Itamit jo atemar ebe ijo bon nges lokalaunan kokiding kosi. Atukot kere naka Ejakait erai nakalaunan. Biai ipedoria jo aimarakin nu mamakon bon elopet?"

Kosodi do Musa aibirokin kwap ebuburia kogeuni aimony. Kotema Edeke atiar, "Kotikar jo elopet awai kamake. Abuni cut Eong angaar akwap kasodi ailikor ngesi awai." Aitupuset. Epedori biai...Abu Musa kolimok kesi ebe ajai ngesi alimokin kesi nukinerit Edeke, ajai Edeke aitodiar Ngun kwape Abeit.

127 Karaida Miriam, anabi kereka alopet, ka Aaron, apotu kokienatar Musa, kanu adukokin ka apese ngin nako Ethiopia, aitapas nges akienar. Ido abu Edeke konyunyurikin; ener asurwokin ebulesitiKe. Anyoika abu Ngesi kismawa? Abu ngesi konyara kes okek loka ewema. Ido Miriam, korai ca keraka, anabi. Konye kerai Musa loepol aitelekaarit enabi, apol aitelekaarit enabi. Abu Ngesi kotema atiar, "Mam kereka yes iyongitos Edeke? Arai ejai enabi kidingikus, Eong Ejakait eneri mamake kotoma aitapoeta, ido etodikin ngesi kotoma airujasia, konye," kobala, "mere Musa." Kobala, "Yesi mam iyongitos Edeke?" Ido ngin-abu atapon kibuc aiar ngin, edakika ngopengol. Ijenete bo yesi ngun.

128 Mam kereka Ngesi abala, "Yokana Lokebatian. Ipotu yesi kolomasi asesen enabi? Eebo, loepol adepar enabi?" Kanukinyo? Kanukinyo kepolor ngol adepar enabi? Kerai ngesi ekiyaka loka Aitutuket, ataker na arucokinit aijokokineta ngun nuaarei nepepe.

Ido lolo, a...nukijaar oni kokiding wok, Emoyo Lokalaunan loepol lo, epol adepar enabi. Erai Edeke itodiaritai kokiding wok, nepepe ka Akekirot kanu7 aitogogongio ngun. Iswamai aitelekaar enabi, irwan elukumit adepar na iswamata inabin.

129 Eliya, ediopet kotoma onabin lukapolok luka atur, abu bon kismawa iboro iwongon kotoma apedor nakomoyo, kotoma ajarake kere naka ikar akaisakanyauni-kice.

Kwabo kiseseni oni ilukumin irwan ilukumin, kede akonye wok obe, kongolek Emalaika loka Ejakait, kotoma Opir loka Akim. Aingic naka sayanis, ejai ayangaar ngun akwapin, kajenete ebe eponio atubokin kesi kede kaNgin. Inyo kereka abu Imerekek ngin kismawa, Emalaika ngol loka Ejakait, loda kerai Kristo? Iyuunitosi yesi ngun? [Ebala atukot, "Amen."-Ekewa.]

Yokana Lokalaunan 6. Amasete kesi kere akipi nu, kojaatar ka apak naepol ido kiyalamasi da noi. Kotema Ngesi atiar, "Arai Eong Inyamat luka Ajar lukepote kwap kama ka Edeke kotoma Akuj. Eong nges Atiiba ngin nakejai toma amoding."



Apotu kesi kotemasi atiar, "Kwana kijeni isio ebe ijangakina Jo akou. Irai Jo-Ijangakina Jo akou. Ejai-ejai Jo ajokit. Irai Jo Etunganan lo ijangakina akou, ijaatar ka ajokit." Ijenete yesi, edumunete itunga emoyo kotomakec, kacepak eraunete kesi lu ekukuraka noi, araut lukediini. Kotemasi kesi, "Irai Jo-irai Jo ajokit. Ijaatar Jo kajokit mamaKon. Irai Jo Esamariat, ido ijaatar ka ajokit mamaKon." Kotemasi, "Ido kane, mam ber Jo ideparit ikar akaisakany da lukapolou, kwabo ibala Jo ebe 'ianyunitor Aburaam'?"

130 Apedorit eong asesen Ngesi ikutukutori kau ailamareta adis. Kobala, ARAI EONG NGOL LO ARAI. Eringa Aburaam kejauna AJAI EONG." Ngol nges kerai Akim na anokie, Epir ngol loka Akim kotoma okiot.

Na atwania Ngesi, kosodi ajarun kapaaran nakiuniet, ido abu Saul kiriamakinos ka Ngesi korot elosi aijesar kwap, kebu Ngesi kebongo mama ejai Epir ngol loka Akim. Abala, "Abuni kama ka Edeke, ido abongori mama ka Edeke."

Na ajaar Petero aidaris, abu Epir ngol loka Akim kolomu toma, angaar ikekia kosodi aitolomar ngol kinga. Erai ngin nakabeit.

Aibo abu Epir ngol loka Akim kingarenik kesi?

Kwana, kiitutu, Mam Musa arai Epir ngol loka Akim. Arai ngesi ekengarenon lo enyonyoikinitai, kokwap naka Epir ngol loka Akim, ido Epir loka Kim arai bon lo etodiarit Aisiirareteke kwape nakabeit kede aanyuneta ka nukaumokin.

Ido Epir loka Akim ngol abu kingarenik kesi alosit toma akwap na esumunit Edeke kesi, ne Ngesi, Elopet obe, ti enapia akuan kokidingikec, kapaaran ace. Ngin erai nakabeit? [Ebala atukot, "Amen."-Ekewa.] Anyoika apotu kesi kiswamata? Apotu kirurumata ka aikunyukunya-nakin, ka nginibore ice kere, aitodiar ebe kerai ngin kokwap naka aokot nuka imerekek yenipece ngin.

Konye kapak kana (aibuses mama ejai Edeke), Epir ngol lokiseseni oni kokidingiwok, Epir ngol loka Akim ebuni aingarenikin oi toma o Millenium, ne ebongunio Ngesi mama ejaas iKetunga kotoma ayaite ngin naepol naka Millenium akaulo kanyoun kana, ne kilosio oni aijar Ikar Kere nepepe ka Nges. Ejaatar duc Ngesi kede Akirot naka Papa, itogogongit duc ebe erai Ngin nakabeit.

131 Kijai oni toma anyoun. Ido ajalakin, ka agwetar ber ateepun apak edit. Oo, ipaperoka, iinacanaka, airotarit kere luejaas ne kopekwana ka ngul luepote aiirar ateepun nu, mere eong...kwape onacekus ka eboion kotoma Ajakanut naka Edeke. Kolomutu kinga, kotoma anyoun kana, naarai ngul kere luinyeinio kokau epote ainap emacar loka etiang. Kolomutu kinga kotoma Babulon. Kolomutu kinga kotoma aitolitoluno kana. Kolomutu kinga kotoma nukewiswamae nu, kosodete aijaanakin Edeke lokajaran. Mere...

Emalaika lokapolon lo loka Aitutuket! Yesu Kristo, kotoma aputo naka Edeke, mam abu kimar bala engasit, konye abu korau lo erianasi ka Edeke." Kwana erai Ngesi Epir loka Akim, kotoma aputo yapeya nakerai Ngesi kokau kangina, eyangauni anyoun ngin nasodit, ayangaun anyoun nakiareit, ido Ngesi lo kane kede anyoun nakiuniet.

132 Anyoun nasodit, anyoika abu Ngesi kiswama? Abu kitolom kesi kinga naka akwap nakakuan, alosit toma akwap nakakuan ace.

Anyoun nakiareit abu koyangau kesi kinga kama ajai ejautene lokomoyo, toma aibatisao nakomoyo naka Emoyo Lokalaunan.

Kwana ejai Ngesi ayangaun kes kama ka aibatisao nakomoyo naka Emoyo Lokalaunan, alosit abongor cut toma Akwap naka Ikar Kere naka e Millenium ka naepol ngin naka Akaulo kane. Epir loka Akim jepeje, kanuka eiswamae jepeje loka ainyonyoikininio, Edeke jepeje iswamai iboro kwipekwi! Ido Akirot ngipengin, abu kitijena nasodit ya, nges abu kitijena nakiareit. Akirot ngipengin nges etijena nakiuniet, ido kane kiseseni oni Ngin kokiding wok.

Kolomutu kinga. Oo! Kolomutu kinga kotoma aiguruokina kana. Kopotu mama ejai Edeke lokajaran. Kapotu mama ejai Akirot. "Koraun Akirot akuan ido kiboiororoi kamawok." Kwabo kwana ejai Ngesi toma akuan wok, iboie kamawok. Kolomutu kinga kosodete aijaanakin Edeke lokajaran.

133 Kwape kitulurio akwesiwok. [Ener onac ece kotoma angajep ace. Kijaikini onac ece aijulunet-Ekewa.]

Kede akweikus itulurita. Kotoma aidulesia nuka etaukon, kotoma aidulesia nuka kere nuejaas tomakon, ikapakina tope jo aaitun a...Ikapakina jo aitobwoun iboro kere lukakwapin, kosodi aijar kanuka Edeke? Kwana arai mam jo ipeleikinit nu, siriijo kiswama ngun. Konye arai ipeleikinit jo ngun, kekonitau kere, ebe idau kwana jo acamun. Kwape abalar Yesu, kawasia naka aijaanakinike, "Kwana iyuuu do yesi?" Icamunit jo ebe eraasi iboro lu lukabeit, itogogongit Edeke kwape lukabeit, ido ebe kijai oni toma apak nakawasia, ido ikoto teniteni jo abunore mama ejai Kristo kopekwana? Kolom toma anyoun na, naka anyaraunio kinga naka aitapalaunit, araut lukidiinin, aomisio ka akiro nuka akwapin. Ido ikoto jo ajalakin ketau kere mamaKe kosodi alomun toma anyoun, kanuka Akwap naisumunitai nakarereng, araibo ti kikiasi yesi akanin kus kwape kilipia oni? Iraasi tope yesi luijenete cut ebe ikotosi yesi alomun kinga, nginidiopet?

134 Papa Lokokuju, ngul lu ikiaritos akaninikec, kocam kolomutu do kesi kwana, Ejakait. Kocamak Emoyo Lokalaunan, kanuka aisumunet naka Akirot, kocamak Emoyo Lokalaunan kikunyak toma otauonocec. Kotoma atukot kosi, ajaasi akanin bala akaisaarei, aomit eong, Papa, lu emonikinos ido ejenete ebe erai ngin-ebe erai ngin nakabeit, ido ekotosi kesi alomun kinga. Karai kejai...

Kotoma apaarasia nuka alomun kinga naka Isirael, kotoma otunga imilionin iarei ka atutubet, iarei bon kes apotu kolomasi toma akwap ngin.

Kotoma apaarasia nuka Yesu Kristo, ajaasi bala akwatat ka akaisaarei luapotu kodoloto.

Kosodi kwana, kotoma apaarasia nuka angetakinet naka akwap, ibala Jo, "Ediding erute, ido eridid erot, kwabo ikidioko lu edumunete nges. Konye elal erot lo elosi toma amudiaro, ido luipu itorete toma nen." Akiro ngun mam epedorete aibiror. Eraasi nuKon.

135 Kwana elipi eong kanukec, Ejakait. Elipi eong ebe, kosawa kalo, kanuka EmoyoKon Lokalaunan. Kokep itauon ngul. Kolema kinga iboro kere luka akwapin. Kokep akiikec, naarai kopedosi kesi aipup kocae Eporoto ngol loka Edeke, iworoi, kotoma AkirotoKe ka Aica naka apaaran. Ido kocamak, Ejakait, ebe kokwenyutu akonye kec, tetere koanyutu aibuses naka Edeke kotoma osawa lo logolokinet. Ibu Jo kobala, "Kere lukainaki Papa Eong epote, ido etajaruni eong kes kotoma apaaran nakawasia."

Ejakait, acepak ejaasi luipu kane lumam ber ejenete. Elipi eong ebe ibuni Jo aismamanar ka kes, ido ibuni acamakin kes kodumutu arereng ace, Ejakait, ebe elemuni kopedosi kesi ajenun, aiarar Jo inera kotoma AkirotoKon, aitigogong Jo Elopet; kosodi konyet ener mamakosi kotoma oporoto loka apedor nakomoyo, kosodi konyet kede aijulunet; aanyun da aswamasioKon nuepolok itogogongit Ngun kwape nukabeit, kwape ejaar kotoma Obaibuli. Elipi eong, Edeke, ebe ibuni Jo aisioni isio kanuka adiaakanareta kosi, kwana, ido kwape eriikiner eong elopet aper kAkirot kana.

136 Wu Edeke, aomoomoi ngun, ebe esabiti ediopet bon nges atubor, eong-abu eong kabuburikiner ariiikin otunganan lokatwan kokwap kane. Abu eong kaanyu lokapolon ngol Emoyo Lokalaunan inyakuni nges bobo toma aijar. Ebeloro akekonye kau kokau naka akouke, koperi, etwanit. Bonibon adis, akiro nuka aiworo EkiroriKon, abu eong kaany ngol ejaruni. Elo kane lolo, eroko, ejari. Ejakait, erai Jo nges Edeke jepeje, lo ebe, neabu Paul kobuburikiner ariiikin otelepat ngol, loajai aipup ngesi elimonokini adaun apak naeoj noi, etunganan ngol loabu kibirun kodiriisa. Erai Jo nges Edeke ngopengol loepedori ainyakakin aijar. Kimalai isio Jo, Papa. Acepak...Yenimam erai ikeyuunan acepak mam iyuuni. Konye isio kiyuunit, wu Ejakait. Idau Jo aitodiar Elopet mamakosi.

137 Kwana korau airujaruja nakotauka, ka aomisio da nuka aomiteka, agogonguka ka da kere, koraut nuecalakinosi toma Akirot na. Ido kocamak Akirot ka eong, nepepe, wu Ejakait, nepepe kitunga lu, kalototo abear toma Ajakanut naka Edeke. Kisiik ngun, wu Ejakait. Kisioni aibucanareta kosi. Kitangaleu adeka kosi, ido kitarau sio itunga luka Ajakanut Kon.

Kosodi kwana, kwape ejaatar lu aponare, wu Ejakait, ido ejakai angaar atapar, isikapikinitai akipi, ido ebuni aibatisao ageun kotoma adakikan adis, kiitunit isio kapak naponi kolimonokinere Akiro Nukajokak nupenu, abala Ebaibuli ebe, "Kere lukiyuunete aponi kibatisai."

Itabalan lu etukosi kane, wu Ejakait, lu esirerengi eong kOkiror loka Yesu Kristo, kanuka aitangaleo lukadekak. Konyet do kapak...

138 Aijanakineta kosi eojak, igirunitai, naarai aekasi isawan noi. Ibusakinit isio awear Akirot na ejaatar alupok nukibwaikina Ngin toma, naarai edolunit apak naka aiterot naka akako. Kiseseni isio ngin. Ejaasi akui araraar, ido kijeni isio ebe aapu apak naka akako. Ibusakinit isio agwaranar kuju kasodete aidaikin Ikinyomit. Kwangin do, elipit eong, wu Papa Lokokuju, ebe ibuni Jo ainerakin ka ngolita.

Ido abala Ebaibuli ebe, "Ngul kere lukiyuunete aponi kibatisai." Ido, wu Ejakait, arai kwana ejaasi luipu ne lueyuutu, kwabo mam ber ibatisatai kOkiror loka Ikoku Kon yeniminat, Yesu, kopotu ngul ne atupuruc na, kajijim ka aitasiono da, ido kojaas alimor adiakarikec, ka atwanare mama ejaas iboro lukakwapin; araut luidaio, ayangar Ekiror loka Yesu Kristo; aijar kotoma ayongit Edeke, akaulo kane, kanuka aingarakinio naka Emoyo Lokalaunan. Kijaikinit kes mamaKon kwana, wu Ejakait, kanuka alosikinet kana, kOkiror loka Yesu Kristo. Amen.

Kwana kikopari aijanakin mama ejai Onac Neville, ka kere nuibusakinit nges alimun, kwape kijaar akapanakin kanuka aijanakin naka aibatis.

Ido lolo kuare, kosawa ediopet -katutubet, arai ekoto Ejakait, akoto eong aikamun kotoma ateepeu Aisiiraret nace na. Kisirereng Edeke yes kiton apak ngin.



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7